

B

A faint, light gray watermark of classical architectural elements, specifically four columns supporting an entablature, is visible across the entire page.

Digitized by the Internet Archive  
in 2011 with funding from  
Research Library, The Getty Research Institute

<http://www.archive.org/details/thesaurusnumisma00pati>












# THE SAURUS NUMISMATUM.

E M U S Æ O

C A R O L I P A T I N I

Doctoris Medici Parisiensis.



S U M P T I B U S A U T O R I S.

M. DC. LXXII.

THE MAMMALS

OF THE UNITED STATES

BY LEWIS AGASSIZ

IN FIVE VOLUMES

WITH PLATES DRAWN AND ENGRAVED BY

CHARLES H. COLE, J. T. COLE, AND J. C. COLE

IN THE LIBRARY OF THE U.S. NATIONAL MUSEUM

BY THE AUTHORITY OF THE SECRETARY OF THE

U. S. GOVERNMENT  
PRINTING OFFICE: 1851.



F. Chauv. sc.  
I. Am. sc.

SERENISSIMIS CELSISSIMIS QVE  
PRINCIPIBUS  
AC FRATRIBUS,  
EBERHARDO,  
FRIDERICO,  
ULRICO,

WIRTEMBERGIAE ET TECCIÆ DUCIBUS,  
MONTISBELLIGARDI COMITIBUS,  
HEIDENHEIMII DOMINIS, &c.

*Dominis suis Clementissimis,*

C A R O L U S P A T I N.

**M**Nane profectò foret meum consilium , si Serenissimis Celsitudinibus vestris dignum munus offerre haberem in animo, SERENISSIMI PRINCIPES. Vos novi quodcunque dona-

## E P I S T O L A

rium vel & aquam, ut olim fecerat Illustrissimus ille Persarum Imperator, gratè benignèque recipientes. Audaciam effecit vester erga litteras litteratosque favor, quos omni honorum dignitatumque genere prosequemini. In me uno sit hoc vestræ magnificentiæ exemplum, quem beneficiis vestris præter singulæria affectus testimonja, cumulavistis. Ea si me imparem, sane non ingratum percusserunt, quippe qui me SS. vestris Celsitudinibus arctissimè devinctum palam & publicè prædicem. Majora præstarem si daretur occasio; sed ecquæ dari potest? quæ tantis Principibus utilem me efficeret, quam semper mea superarent vota. Jam innotuerunt orbi toto Duces Wirttembergici, se ipsis & suis Majoribus clarissimi: Eorum Pietas, Constantia & Fortitudo, Germanorum avitæ dotes, quemque rapiunt in admirationem; non Germanos modò sed & exteris quoscunque, quos vel amica fortuna vel invida, ad Vos pellexit. Vos ii omnes amant qui vos norunt, nec minus vestræ gloriæ, moribus vestris consuluistis, quæ armis, quibus & quales fueritis, egregiè præstistis. Superiori bello, quo tota veluti delirans.

## D E D I C A T O R I A.

& furens flagrabat Europa , nil præclarum abs-  
que Ducibus Wirtembergicis factum est; Unus  
quasi Jupiter , alter quasi Apollo diversas age-  
bat partes sustinebatque , Martem uterque ge-  
rebat. Quamdiu Rhenus ad arcton , Danubius-  
que auroram versus perfluent , tamdiu vos Du-  
ces VVirtembergicos celebrabunt ubique vi-  
ctores , perpetuò Heröas : sed hæc decent Hi-  
storicos , quibus amplum dedistis scribendi &  
docendi argumentum. Deus vos diu servet in-  
columes , F R A T R E S S E R E N I S S I M I .

Vovebam Amstelodami , Kalendis Octobr.

M D C L X X I .





## P R A E F A T I O.

**N**arrat Cicero allatum fuisse Scipioni Acipenserem, piscem in primis nobilem & qui admodum raro capitur: cum autem Scipio unum & alterum ex his qui eum salutatum venerant invitasset, pluresque etiam invitaturus videretur, in aurem Pontius, Scipio, inquit, vide quid agas, Acipenser iste paucorum hominum est. Idem de THE SAURO nostro fari licet: Acipenser hic paucorum hominum est, cum sit & nobilis & inventu rarus, ut Plinii verbis utar. Hac tituli superbiam genuere, quem SELECTIS NUMISMATIBUS, modestius scilicet me gerens, indicasssem, si eumdem non prius sibi vindicasset vir in hisce deliciis Dictator, ill. Abbas Seguinus. Quamvis argumentum nostrum idem fere fuerit, minime conveniebat illud eodem designari titulo, a quo dispari prorsus elegantia & amicitia nostra arceri videbar. Si quis ut rebus meis olim, sic nunc & magnifico huic THESAURI verbo invideat, desinat conqueri, & noscat pauperes ipsos suum majorem habere in asse Thesaurum quam divites in millibus. Alter si occurrat qui carbones esse pro THE SAURO censeat, censcat ille quid velit, at illum iniquum arbitrabor, ni mutet opinionem: Ut enim de industria mea aut diligentia taceam, impensis ad id factis si recenserem,

## P R A E F A T I O.

non immeritò THESAURI vices supplere quingentorum rarissimo-  
rum Numismatum collectionem judicaret. Si denique aliquis eo esset  
animo aut ita erga me maligno, quod nollem suspicari, aut ita igna-  
ro, quod dolerem, qui Nummos hosce non antiquos existimaret;  
sed aut inanis glorie acquirendæ, aut alterius argumenti causa suppo-  
sitios à me publicatos diceret, re ipsa convinci posset, quam non  
Eruditorum oculis modò, sed & omnium hominum lubens gratisque  
subjicere paratus sum. Paucissimis enim exceptis, qui in primorum  
orbis Principum Cimeliarchiis collocati sunt, ceteri penes me sunt,  
invita fortassis atque irrita Fortuna.



## BENEVOLO LECTORI.

**N**E suspiceris tam superbo THESAURI elogio crume-  
næ tuæ insidias tendi; non tibi hæc tota Nummo-  
rum congeries ultra duos Imperiales constitura est. Si  
Te impensa pœnitet & hoc Opusculum Tibi parum delecta-  
tionis vel commodi afferat, hoc habeas dispendii solatium,  
quod non plus fœnoris aut lucri ad me hinc redundabit.

I N T H E S A U R U M  
N U M I S M A T U M

Omnis generis,

A

V. C. CAROLO PATINO, D. M.P.

editum.

*Æ*RIS THESAUROS ignoti misit in Orbem  
Jupiter, æternas expositurus opes.  
Vidit, & æternum genuit NATURA PATINUM,  
Ne foret interpres muneris arte minor.  
Quos æterna movet Virtus, ne rodite librum:  
Jupiter hinc, vindicta inde PATINUS erit.

Testandi erga Virum sumnum cultus  
gratiâ posuit

Jo. CHRISTIANUS KECKIUS,

Consiliarius Durlaco-Marcicus.

I N

C A R O L I P A T I N I ,

Medicinæ Doctoris Parisiensis Celeberrimi

T H E S A U R U M

D E

N U M I S M A T I B U S ,

J O H A N N I S A L B E R T I S E B I Z I I

Doctoris Medici, atque in Universitate  
Argentoratensi Professoris

E P I G R A M M A .

D Um tantos edis Thesauros nomine magno,  
Ingenii monstras divitias & opes.  
Thesauros animi fas est fortuna sequatur  
Ac immortalis gloria, vita, salus.

\* \*

ΕΙΣΤΟΝ

ΚΑΡΟΛΟΥ ΤΟΥ ΠΑΤΕΙΝΟΥ

Τ&τὸν δέχαιολογίας ἐμπειροπάτης

ΘΗΣΑΥΡΟΝ.

**X**ΑΪζεό μοι Γάγμασ πολυχρύσοιο ρέεθεα,  
Ηδ' ὅσα καλὰ φέρει ἀντλή ηελία.

Ωδ' γδεν κλέθει εἰςι σμαράγδῳ μηδ' αἰδάμαντῷ,  
Καὶ εἴθελοι φοίβῳ φέργῳ θέτιζέμφρα.

Ἐνθαρά ΘΗΣΑΥΡΟΣ πόσον γχ' ἔκαλόμπυλοι εἴχον.  
Θήσας, ὅδ' Αἰγύπτιοι κτίμαται πλεῖστα πέλεν.

Κείω σῇ γκ' ὄξιζίτας πυθοῖ ἐνὶ πετεγέσιοῃ  
Λάιιῷ ὅστ' ἔκάτης γδὸς ἔεργε θεᾶ.

Γλωίεα γῳ ράτε μὴν χαῖντις βασίλιοσα κεχάνδη  
Ρώμην ὄσα τ' ἀγήτ' εἴχε, τάδ' ἔνθα βλέπεις.

Ἐντ' ὥπας τάδε τ' ἔεγα διοτρεφέων βασιλήων,  
Σκῦλά τε πανταπῶν ἐινὶ ιδεῖν μερέπων.

Γερᾶ πολλὰ, θεάς τε ἀγάλμαται ής καὶ αἴθλας.  
Τέκτνες εἰδύαις. εἴθαδε χερσὶ καίμον.

Τηλετάωσαν ὁρᾶς Ρώμηων, οἵδ' οὐερέειτῷ  
Εἰς ζόφοις ἀντίθη φαίδιμῷ, ὥσπερ εἴλω.

ΘΗΣΑΥΡΟΝ δέ γε τύδε κιχήμφρός εἰς ΠΑΤΕΙΝΟΣ,  
Ταῦτα δέγαλέες ἀκτηλύπθυσε πόνυς.

Οὐαῖς γδ' Αὔγυστῳ μηδὲ εδέσει δίῳ Ιαλῷ,  
Ρώμηων θῆς διποδάς φέργῳ ὅδ' αἰδίου.

Τιμῆς περι φιλαρχαίωντος ἔνεκα Διαπίπτι

SEBASTIANUS FESCHIUS, Basil. LL. Cand.



**K**ροῖσθαι πλάτω, λιβανοῖς ἐφ' ἔοῖσι Σαβαιοῖς  
Αὐχοῖ, φθείρονται πάντα τὰ δῶρα γέας.  
Αἴχαίας πίσις, δρετὴ καὶ δόξα τε Ρώμης  
Μάνη θησαυρὸς τόνοι μάγανον ἔχει.  
Γενὴ γὰρ σίλεψι πρῆτα νομίσματα ἔξω,  
Ηδὲ ὅμηδε δρετῆς φαιδρὸν ἄγαλμα πέλει.  
Καὶ πνα κοινὰ ἔωσιν, ὅμως απανιώτατ' ἐρδυνῶν  
Εὔρησε, απάνιον δίζετε πλάτην ὑμῖν.  
Οὓς χειρόνων ἥδε βρετῶν βίᾳ καὶ διωταῖς διπολέας.  
Αἱ βλάστε καδμώαριν, μήτ' ἐδωίαντ' ὀλέσας  
Αἴχοντες φιλέασι, δι' ἓτα παλαιὰ μένυσι  
Σῶα, καὶ ἄνδυ ἀπτοῖς ἐσ' ἐῦμορφα ἔπι.  
Αἴχασιν πυθίς θεράποντες Αἴγανοῖς ἔπονται,  
Πάντες ιέριμοι τὰ φθῖται δῶρα ἔχειν.  
Αἴγλαστα Θησαυρὸς πορέει· ταῦτα δῶρα ΠΑΤΕΙΝΟΥ,  
Οὐ ποθ' ἡ συταυθοῖ ζύτεο ὅ, ποι μάεις.

## VERSIO LATINA.

**J**actet Cræsus opes, jacet sua thura Sabæi,  
Hæc pereunt, pereunt fulva metallæ Soli :  
Præsa Fides, Pietas, Romani Gloria seclis,  
Sola hæc Thesauri nomen habere queunt.

Non minus haec radiant pretio , pretiosius illis  
Virtutum est meritum, quod quoque nummis habet:  
Obvia nummus habet, sed & heic rarissima querens  
Irveniet, raras querite divitias,  
Quas tempus, quas nunquam hominum violentia perdet,  
Quod potuit, laesit; perdere non potuit:  
Principibus carum est, quo vivit tanta Vetustas,  
Nil vetus est isthic, cuncta remissa vident:  
Principibus soboles succedit Apollinis, omni  
Duratura aeo querit ubi inveniat:  
Ommia Thesaurus pandit pretiosa P A T I N I ,  
Aut hinc, aut nusquam querito, & invenies.

### Felicitati Temporum,

Quibus φιλαρχαιον] & P A T I N U S rarum simul  
atque carum Thesaurum suum Orbi Erudito  
communicat, gratulatur

Basilea ipsiis Idib. Junij,  
M D C L X X I .

J O H . R O D O L F U S V V E T S T E N I U S , Fil.

# THESAVRVS NVMISMATVM.



## CAPVT I.

### DE NVMMIS EX AVRO.

**S**i quid magnificentiam Romano-  
rum opesq; potest demonstrare, id  
profecto efficient nummi eorum  
ex auro, quibus æternam sui me-  
moriā posteris commendauēre:  
metalli dignitas, insignis scalptura,  
integritas, iis supra ceteros primum tradunt locum.  
Mirum quot Romani quamque varios confecerint,  
omnes ex auro purissimo; manibus contrectauimus  
fere mille diuersos indubitatæ antiquitatis. Quot  
fuerint ex vnâ formâ quis audet coniicere? certe erant  
innumerabiles. Sæpe occurrunt thesauri, quo enim alio  
nomine maximum eorum numerum indigitabimus?  
qui vel è ruderibus vel è puteis, vel ex urbium funda-

A

mentis,

mentis, etiam in ipsis siluis eruti sunt : id iam nobis plusquam decies vidisse contigit. Historiam nummorum eorum qui ex auro reperiuntur , quodammodo aggressus est Ioannes Hemelarius qui Ducis Arschtani numismata in publicum emisit. Nos nihil tale nunc cogitamus ; opus est quod a summis Principibus debet promoueri, cuius iam quædam nobis spes facta est : interim viginti proponere meditamur eximiæ rari-tatis & integratatis, illisque leuem subiungere interpretationem.



Primus occurrit **DIVVS IVLIVS** quem qui non nouit, docere non cupimus : is est magno illi Alessandro sed sobrio neque iracundo simillimus : is est in cuius gratiam periisse videntur tres priores orbis monarchiæ, quo ipsi postrema illustrior exurgeret : is est de quo proverbiū ventilatum est *Ex utroque Cæsar*, virtutem enim eius bellicam , priuataque studia nemo satis mirari potest, in omnibus fere felicissimus, qui etiam ea morte quam appetierat, obiit. Illi primùm licuit

licuit faciem in nummis signare, quod ante eius tempora apud Romanos inusitatum erat : sed quod imperij breuitas plures ex auro confici non permiserit, vel quod rem inusitatam quamvis sibi licitam noluerit communem vltro fieri (is enim rebus suis summopere studebat, quarum non minimi momenti eam esse arbitror quæ calumniam amouet) alter effecit, ne tanto Principi hæc etiam deesset gloria : Optimus Princeps IMPerator CÆsar TRAIANUS AVGustus GERmanicus DACicus Pater Patriæ RESTituit eius nummos in æternum pretiosissimos futuros. Victoria gradiens caducæum tenet, pacem indicans: anguis appositus majestatis eius est symbolum.




AVGVSTVS & per se notus est & per successores Imperatores, omnes enim Augusti dicti sunt. Priorum facinorum famam aboleuit factis posterioribus. Post deletos hostes Brutum & Cassium, Pompeium, Antonium, morum suavitatem aperuit. Eum in æternum commendabunt natalitia Christi qui eo imperante

pro salute hominum ex virgine natus est, quo quidem tempore pax per orbem terrarum Augusti auspiciis erat indita. Qualis fuerit T. SEMPRONIVS GRACCVS qui hic Quartum-Vir & Quæstor designatus legitur, in familiis Romanis dictum est. Quod hic Quartum-Vir monetalis censeatur non Trium-Vir, ex eo factum est quod Iulius Cæsar pro Trium-Viris Quatuor-Viros substituerat, qui tamen ab Augusto paulo post ad priorem numerum reducti; Fortuna temonem tenens & cornucopiæ ad Augustum referri potest qui adversam priorum temporum in prosperam mutauerat.



Vtriusque Imperatoris facies hunc nummum illustrant, Iulij & Augusti. Hanc artem scipsum commendandi ingeniosè reperit modestissimus Agrippa qui nummum percussit. Sic enim sibi per socerum gratulatur, illique & quòd orbi imperaret & quòd Diui Iulii filius esset. De Agrippa plura scripsimus tum in Familiis Romanis, tum in nummorum Romano-rum interpretatione qui sunt ex ære mediocri.

NERO



NERO CLAVDIVS DRVSVS GERMANICVS  
in quæsturæ præturæque honore Dux Rhætici deinde  
Germanici belli, Oceanum septentrionalem primus Ro-  
manorum Ducum nauigauit. Ex hoste sèpius cæso  
fugatoque ouandi ius & triumphalia ornamenta per-  
cepit, inito consulatu atque expeditione repetita supre-  
mum diem seu morbo seu veneno obiit, in astiuis castris,  
quaæ ex eo scelerata sunt appellata. Corpus eius per  
municipiorum coloniarumque primores suscipientibus  
obuiis scribarum decuriis, ad Vrbem deuictum, sepultum  
est in Campo Martio. Ceterum exercitus honorarium  
ei tumulum excitauit, circa quem deinceps statu die  
quotannis miles decurreret, Galliarumque ciuitates  
publicè supplicarent. Præterea Sonatus inter alia com-  
plura marmoreum arcum cum trophyis via Appia  
decreuit & Germanici cognomen ipsi postrisque eius.  
Nihil profecto illustrius neque quod nummum ma-  
gis explicet, adest cognomen Germanici, adest arcus  
triumphalis DE GERMANIS erector, adsunt trophyæ,

## THE SAVRVS

quæ omnia non nisi Druso mortuo nummum esse  
signatum, euincunt.

*Maximus ille armis maximus ille togâ.*



Drusi filius GERMANICVS Princeps optimus huiusque filius Caligula pessimus in hoc nummo re-præsentati sunt : hic illum in suo nummo scalpi curauit quo Romanorum mentes Germanico admodum fauentes sibi vltro conciliaret. De iis mirabilia scripsit Suetonius.



CLAVDIVS expeditionem unam omnino suscepit eamque modicam, cum decretis sibi a Senatu ornamenti triumphalibus leuiorem maiestati principali titulum arbitra-

arbitraretur, velletq; iusti triumphi decus unde acquireret, Britanniam potissimum elegit, neque tentatam ulli post Diuum Iulium & tunc tumultuantem ob non redditos transfugas. Huc cum ab Ostia nauigaret vehementi Circio bis penè demersus est prope Liguriam. Quare a Massilia Gessoriacum usque pedestri itinere confecto inde transmisit, ac sine ullo prælio aut sanguine intra paucissimos dies parte insulae in ditionem acceptâ, sexto quam profectus erat mense Romam rediit, triumphauitque apparatu maximo. Quid exactius hunc arcum DE BRITANNIS extructum explicare potest <sup>In Claudio cap. XVII.</sup> quam hæc Suetonij verba. Effossa est in Anglia plumbea lamina a Camdeno commemorata idem referens.


TI. CLAVDIVS CÆSAR AVG. P. M.  
TRIB. P. VIII. IMP. XVI. DE BRITAN.

Grut. in-  
script. pag.  
238.




NERO cum AGRIPPINA matre hic cernitur siue auersis faciebus, siue iugatis. Ad utrumque pertinet <sup>In Nerone cap. IX.</sup> quod scribit Suetonius. Is matri summa omnium *rerum*

rerum publicarum priuatrumque permiserat; primo etiam imperij die signum excubanti Tribuno dedit OPTIMAM MATREM, ac deinceps eiusdem sape lectica per publicum simul vectus est. Sed eam mox dicta factaque sua exquirentem acerbius & corrigentem honore omni & potestate priuauit; abductaque militum & Germanorum statione contubernio quoque ac palatio expulit, tandem perdere statuit, & cum veneno ter tentasset, sentiretque antidotis præmunitam, lacunaria quæ noctu super dormientem laxata machina præciderent, parauit; quibus non succendentibus matrem per Centurionem Anicetum gladio confici iussit. Cui illa, *Percute ventrem.* Corona quercea vna est ex iis quas Græci ipsi miserant & dicauerant.



Vespasiani gloriam suâ tesserâ significare voluit Imperator Traianus, qui eius nummis eandem restitutions notam quam Iulij Cæsaris affixit. Fulgur sellæ impositum nil nisi Prouidentiam & summam Imperatoris potestatem refert.

Optimus



Optimus Imperator Trajanus Plotinam vxorem *In Panegyri*  
habuit, sanctissimam, ut inquit Plinius, fœminam: hæc  
ita modestè se gessit in summa potestate, vt de ea  
nullus jure conqueri potuerit. Non desunt qui eam  
Hadrianum amasse exprobrent, quiq; hunc omnibus  
artibus, & ejus fauorem & imperium acquisiuisse  
dicant: verum sit nec ne, dubito, at certè maritum  
hæc latebant, qui in vxoris honorem hanc A R A M  
P V D I C I T I A aut extruxit, aut extrectam hoc  
nummo celebrauit.




Plotinæ ex Marciana neptis fuit M A T I D I A quæ  
AVGusta etiam dicta est, & mortua inter Diuos  
B relata.

relata. Mater fuit Sabinæ, Hadriani vxoris. Considerandum ex nummo rarissimo venit, quomodo fœminis etiam licitum fuerit, nummos sua facie insignitos in auro percutere: id arbitror ex Augustæ dignitate fuisse, quamvis prioribus imperij temporibus nulla huiusce fuerit mentio. Opibus, luxu, magnificentiâ crescentibus, & eorum crescebant indices.



Gratam beneficij accepti memoriam posteris per hos nummos tradit Hadrianus. Is Traianum tutorem habuerat, a quo fuit adoptatus. Ei mortuo se sua nomina OPTimi AVGusti GERmanici PARThici debere, ut & dignitatem testatur.

DIVIS eius PARENTIBVS alter dicatus est, Traiano & Plotinæ: huius fauore Hadrianum adoptatum & ad imperium prouectum scribunt Veteres. Facies quidem conueniunt; attamen Cl. Tristanus eas Hadriani patri & eius matri Domitia Paulinæ tribuit, quod non arbitror.



ÆLI Cæsar's facta attingere mei non est propositi. Eum adoptauerat Hadrianus: sed ut & ipse conquerebatur, in caducum parietem inclinauerat: obiit enim ante Hadrianum. Nummi eius ex auro sunt rarissimi.



Qualis fuerit Commodus Imp. & quam incommodus Populo Romano nemo nescit qui Romanam historiam primis etiam labris degustauerit. At res egregia in hoc nummo cernitur: se HERCulem ROMæ CONDitorem ille prædicat, Vrbem incendere cogitans, ut illam veluti suam Coloniam restitueret. Patet id ex nummo æreo. Congruunt anni, in septimo nempe consulatu.

## THESAVRVS



Rarissimi sunt PERTINACIS nummi. Bonum illum Imperatorem minus ad sui gloriam nummos signasse, quam ad imperij maiestatem credibile est. Eius tamen plurimos possideo ex auro, argento & omni ære.




Nullus fuit Imperator Romanus qui pluries aut vxorem aut liberos in nummis celebrauerit quam SEVERVS. FELICITATEM SÆCVLI in hoc pollicetur per filios Caracallam & Getam, Iuliā intermediā: illi omnes aut Seuerum aut se invicem in suis nummis publicari curauere. Exempla sunt tot nummi antiqui quos possideo, ex omni metallo.

POSTVMVS



POSTVMVS in bello fortissimus fuit, in pace constantissimus, in omni vita granis, vt ait Treb. Pollio. Ab eo Postumius vbique vocatur & a Vopisco, reclamantibus omnibus nummis, nostro præsertim in cuius vtraque parte non Postumius sed Postumus legitur. Ludos quinquennales eum fecisse post annos imperij quinque, & vota decennalia concepisse, ex inscriptione patet. Victoria enim X apponit in clipeo quasi decennalia voverit, sed non soluere licuit: is enim anno septimo oppressus fuit a Lolliano, & imperfectus. Prætermittere non possum, eius nummos Gallis familiares, quod in Galliis regnauerit, admodum esse raros cum aurei sunt.



Præclarum profecto typum hic nummus exhibet. PROBVS scipionem tenens, tanto captiuorum numero videtur totum vicisse terrarum orbem, quod innuit inscriptio. Rem dilucidat Vopiscus: Nonne, inquit ille, omnes barbaras nationes subiecerat pedibus? quia totum mundum fecerat iam Romanum: quamobrem illi familiare fuit dicere, Breui milites necessarios non habebimus. A tumultuante milite occiso erectum est ingens sepulchrum, cum titulo huiusmodi, inciso mamori,

\*  
 \* HIC PROBVS IMPERATOR \*  
 \* ET VERE PROBVS SITVS EST, \*  
 \* VICTOR OMNIVM GENTIVM BARBARARVM \*  
 \* VICTOR ETIAM TYRANNORVM. \*

\* \*

Vicerat ille Germanos, Alanos, Marmaridas in Africa, Palmyrænos, Francos, Gothos, Sarmatas, Parthos, Persas, Geticos, Gepidas, Vandals, nec vñquam  
victus

victus fuit, quare nummum VICTORIOSO SEMPER dicatum esse non est cur miremur.



CARI nummum ob raritatem hic apposuimus : inscriptio quidem spectanda est, quæ INDULGENTIAM AVGUSTI celebrat per victoriæ gradientis typum. De indulgentia satis dicimus in Libro de Numismatibus ex ære.



MAGNIA URICA in hoc nummo AVGVSTA dicitur : fuerit ne illa Maxentii an Magnentii vxor, adhuc dubitat : sed nummum eius rarissimum esse certum est. VENEREM VICTRICEM celebravit, quemadmodum olim Faustina & Lucilla fecerant. Eiusd. m

Eiusdem habeo VENERI GENETRICI dicatum, quod eam peperisse innuit, quasi gratiam agentem pro suscepto partu : ex quo Maxentii vxorem, cui Romulum genuit & alium, coniectura est. Nullum enim exstat vestigium , quo Magnentium liberos habuisse coniiciatur.



CONSTANTINVM Magnum & facinora & noua imperij Romani sedes & Christiana Religio clarum efficiunt. Cum Byzantium appulit, quod suo nomine Constantinopolim vocavit , missiles nummos in vulgus sparsit , quos indicat huius nummi inscriptio , FELICE M ADVENTVM Avgvsti celebrans. Tres characteres in ima nummi parte signati Constantinopolim designant. Duo deinde observanda veniunt in hoc nummo. Constantini veluti cognomen : Is enim MAXimus dicitur. Deinde numimi moles cum pondere : Ea duplo cæteris amplior est.

Et hæc habebamus scribenda de nummis ex auro.

C. A P V T



## CAPVT II.

# DE NVMMIS GRÆCIS.

**B**A est Græcorum Numismatum dignitas, quæ aut tempore, aut artificum peritiâ, aut rerum varietate, cætera haud dubiè vincat : eorum præstantiam vulgare non est nostri propositi. Goltzius id iam præstítit, cum Cl. Nonnio Medico. Vtriusque opus primas tenere inter huiuscet sortis libros arbitramur. Facile tamen est inuentis addere: quædam ex thesauro nostro vulgabimus non aspernanda : vtinam de his suas possint & Goltzius & Nonnius aperire mentes. Commentarios quidem scribere nobis non proponimus nisi breues, qui scalpturas spargi solas non finant, & Eruditorum feliciores coniecturas prouocent.



Macedoniā nobilissimam fuisse prouinciam centum & quinquaginta populorum altricem, quondamque imperio terrarum inclitam, certum est. Quare illam P. Æmilius non rededit in prouinciam, sed liberam reliquit. Diana a Macedonibus semper culta fuit, quod venationis egregie essent studiosi, quapropter suos clipeos & monetas eius facie insignitos habebant. Clava originem Regum Macedoniae indicat, iij enim ab Hercule. Inscriptio docet ex quatuor Macedoniae regionibus, hunc nummum in prima cūsum fuisse.


*Plut. in  
Alexand.*

Sequens etiam ad Macedonas pertinet: TAMIVS CAIVS POPLILIVS siue POPÆLIVS ei inscriptus est: sed qualis ille fuerit, aut quo tempore cūsus nummus, non facile est coniicere: quamuis vtriusque nominis plures apud Romanos reperiantur. Illum præpositum fuisse Macedoniae certum est. Nummus hic qui æreus est, ad Familias Romanas, Consulares vulgo vocant, referri potest.



A CARNANIA Epiri prouincia iuxta Acheloum: in hanc coloni priscis sæculis venere. Taphios illos & Teleboos refert Strabo : Alij Lacædemonas venisse dicunt, quod magis placet ob appositum in nummo Lycurgi nomen, a quo suas leges accepérunt: Acarnanes soli ex Græcis aduersus Troianos auxilia non miserunt, quod illos authores originis suæ arbitrarentur. Cur hic Minotauri caput, & illa figura arcum tenens, non facile est interpretari.

Epiro opposita est LEVCAS; quæ cum peninsula esset continentis pars, à Corinthiis quorum erat colonia, per fosso isthmo, insula facta est. Dimidiata nauis situm indicat. Diana tum ex apposito ceruo, tum ex falcata luna capiti imposita agnoscitur: illa manibus aliquid tenet, quod acrostolium nauis Cl. Nonnius interpretatur: posset ad piscem referri qui frequens occurrit in nummis urbium maritimarum.



Inter Æolicas insulas clarissima est LESBOS, fertilissima & generosi imprimis vini ferax. Suas frequenter signauit monetas obsceno schemate, nimirum Sappho puellam comprimente.

*Lesbia quid docuit Sappho, nisi amare puellas.*  
In hoc nummo certè vir ex summè neruosis artubus & barba & capillitio cernitur.

CORCYRAM insulam esse celebrem maris Ionij norunt omnes. *Corfu* hodie dicitur, Venetis parit. Bos dimidiatus ad id fortassis refertur, quod narrat Pausanias, *Eum suo mugitu thynnorum copiam indicasse, quamobrem ob accepti beneficij gratiam, ille Neptuno immolatus est, eiusque æreum simulachrum Delphos missum.* Quare istud facinus in nummis non signassent? Vuam & hæderam Baccho sacras nemo non nouit. Hunc Corcyrae cultum fuisse in proprio templo scribit Thucydides, certè ob vino- rum copiam, quæ ut generosissima laudat Athenæus: Venetias etiamnum deferuntur & in occidentales regiones, Corcyrorum aut Græcorum nomine.




GORTYNA vrbs est in insula Creta non procul à Phæsto, ad oram meridionalem. Illius nomen in hoc raro nummo legitur cum typo insolito, muliere nempe arbori insidente. Ad id referunt quod Plinius scribit, *Est Gortynæ in insula Creta iuxta fontem* Lib.12.c.10. *Platanus una insignis vtriusque linguae monumentis,* nunquam folia dimittens, statimque ei Græcia fabulositas superfuit, Iouem sub ea cum Europa concubuisse. Illustrat coniecturam taurus in auersa parte signatus. In Phæstiensium nummis vterque fere typus cernitur, forte ob vrbium viciniam.

LAPP A vrbs est etiam Cretæ mediterranea: Lapiithum vrbem esse in Cypro docent Steph. & Ptol. sed illa vnum tantum Π. habet, quare ad Cretæ Lappam reuocandus venit nummus. Lyram autem Apollini sacram in plurimorum Græciæ populorum monetis signatam esse, testes sint eæ, quæ supersunt ex Deliis, Delphis, Coiis, Chalcedonensibus, Tauromeniis, Actiis, Calydoniis, Scotuslæis, Perinthiis, Cerinthiis, Mytleniis.

## THESAVRVS




IERAPYTNA hos duos nummos cudi curauit, quos ambos ob raritatem apposuimus : illa vrbs erat non incelebris, Cretæ insulæ ad oram meridionalem. Palma quidem vel ad earum copiam, vel ad Syriæ Reges refertur : quin aquila Iouis natalitia commemoret quibus Creta gloriabatur, nullum est dubium. Caput turritum vrbis Genium repræsentat.



Cyrenem Africæ nobilem prouinciam primum nummum cudiisse nullum est dubium. In eo Battus vrbis conditor repræsentatur , typum implet istius plantæ figura, è qua Sylphium exprimitur. Laserpitium dicitur , in hac sola regione adolescit, silvestre

quod sponte crescit, hortulani nullâ arte colere potuerunt. Mira de eius vsu in medicina narrant Veteres: at aiunt plantam illam hodie deperditam. Medici duo Parisienses mei collegæ B. Dieuxiuoye & P. Doutè, hac de re controuersiam instituerunt, quam doctissimis suis diatribis vulgauerunt.

Nummum alterum hic habes propter characteres & figuræ: nomen populi qui nummum cudit, nobis ignotum est.



Eundem fere nummum edidit Goltzius, quem eius interpres Cl. Nonnius ad Egestam Siciliæ urbem traducit. Certè tria crura Siciliam insulam indicant quæ ob tria sua promontoria triquetram referentia, *tervæxeæ* dicta est.

*Terra tribus scopulis vastum procurrit in aquor,*


*Trinacris a positu nomen adepta loci.*

Sed quid illa figura? an sit Herculis, quemadmodum ille narrat, minime videmus; hic enim neque clava, neque exuviæ leonis, quæ eius frequentiora sunt

Ouid. I. 4.  
Fast. XI.

ornamenta; deinde imberbis adhuc est, suum autem Herculem barbatum scalpsit Goltzius. Quid faciant duæ aliæ figuræ in parte nummi postica, non minus obscurum est; duas fœminas simul luctantes coniicere possumus. Similem habitum in suis nummis vulgaverunt Laodiceses Caracallam venerantes.


Bruttij Italiæ populi fere iidem sunt cum iis, qui dicuntur hodie Calabri. Siue a Lucanis siue a Brettio Herculis filio originem suam deduxerint, perinde est: de his plura doctissimus Nonnius. Iunonem Reginam & Neptunum hic apposuerunt. In eorundem aliis monetis & Iouem vidimus & Martem & Apollinem. Cancer appositus, cancrorum copiam indicat: vidimus nummum, in quo Deæ capiti cancer ornamento est, vt Herculi exuiaæ, aut Cybeli turris, aut Mercurio petasus; rem sane egregiam. Abundat hæc regio peculiaribus animalculis: Tarentulas vulgo dicunt, quarum venenum compescit musica, nullo alio ἀλεξιφαρμάκῳ admoto: ad populum phaleras: non ita sunt Medici corde leues, qui tam citò & omnia & omnibus credant. Sed ad nummum: ille noster est integerrimus.



Plurimos vidimus & eruditos quidem, qui cùm Alexandri nomen in nummis legerent, statim Alexandri Magni ut præcipui istius nominis vultum coniiciebant, præsertim si facies decora & iuuenilis fuerit. Illos non morantur exuuiæ leonis caput ornantes: ad Herculem enim illas referunt, gentis authorem: sed hic nummus Philippi Regis nomen exhibens eâdem facie & eodem typo signatus, rem ad ipsum Herculem traducit, cuius ornamentis & singuli Reges Macedoniæ usi sunt: Nummum habemus eâdem prorsus facie cum hoc titulo, ΣΕΛΕΥΚΟΥ.


Nummus alter Regis caput exhibet diadematè cinctum: sed quis sit ille Rex, alter coniiciat; Nullam legimus mentionem apud Veteres factam ΒΑΣΙΛΕΩΣ ΑΝΤΙΟΧΟΥ ΕΥΕΡΓΕΤΟΥ. Fuit quidem Antiochus cognomine MAGNVS, alter SOTER, alter THEOS, EPIPHANES, EVPATOR, SEDETES, GRYPVVS,

PHILOMETOR, CYZICENSIS, EYSEBES,  
DIDYMVS, DIONYSIVS, COMAGENVS.  
Ad quemnam ex iis referri debeat noster EVER-  
GETES, judicet peritior.



ANTIGONVS post mortem Alexandri Magni Pamphyliam, Lydiam, & Phrygiām occupauit, & paulò post totam fere Asiam. Hunc Scaliger primum è Macedonibus in Oriente Regem constituit : Asiæ nominabant. Occisus est in prælio, anno mundi 3649.

Quod ab Hercule ortus fuerit, ut & ipse Alexander Magnus, clauam retro caput in clipeo signauit, cuius formæ antiquos plurimos vidimus in ære & in marmore. Minerua autem Macedonibus propitia esse censebatur: fulmen vibrat, ut bellatrix: Medusæ caput pro clipeo gerit indicandæ prudentiæ: huius fabulæ originem nemo litteratorum ignorat. Ad quid referri debeant duo cornua, nobis quidem ignotum est.




SELEVCVS ex Antiocho natus est claro inter Philippi Macedoniæ Regis Duces, & Laodice : Ea <sup>Justin. l. 15.</sup>  
<sup>c. 4.</sup> visa est sibi per quietem ex concubitu Apollinis concepisse , grauidamque factam munus concubitus annulum a Deo accepisse, in cuius gemma anchora sculpta esset , iussaque donum filio quem peperisset dare. Admirabilem fecit hunc visum & annulus, qui posterà die eiusdem sculpturæ in lecto inuentus est, & figura anchoræ quæ in femore Seleuci nata cum ipso fuit. Quamobrem Laodice annulum Seleuco eunti cum Alexandro Magno ad Persicam militiam edocto de origine sua, dedit. Ubi post mortem Alexandri occupato regno Orientis urbem condidit , ibi⁹ geminae originis memoriam consecravit : nam & urbem ex Antiochi patris nomine Antiochiam vocavit , & campos urbi vicinos Apollini dicavit. Originis eius argumentum etiam in posteris mansit ; siquidem filij nepotesque eius , anchoram in femore veluti notam generis naturalem habuere. Partito Alexandri magni

imperio, Syriæ præfuit & parti Asiæ. Ob XXIII. victorias partas, EPIPHANES dictus est & NICATOR, Illustrissimus & Victor. Fanum Seleuco consecratum fuisse NI KATO PE ION dictum, scribit Appianus, ex quibus Nicator non Nicanor dici debet, sicuti nummo inscriptum est.



PHILETÆRVS Tianus Eunuchus Pergamenum regnum condidit, quod Phrygiam, Myliam, Æolidem, Ioniam, Cariam, Doridem, Lydiam, Lycaoniam & Pisidiā complectebatur: Fuerat is Præfectus thesaurorum Lysimachi Regis Thraciæ, quo interfecto, pecuniis & Pergamo potitus est. Coronâ frondeâ insignitus est non diademate, fortassis quòd Eunuchus & seruili conditioni proximus, maiestatem regiam sustinere ausus non fuerit, Regisque nomen sibi adsciscere noluerit. Obiit A. M. 3689. Fratres habuit Eumenem & Attalum, à quibus Pergameni Reges fluxerunt ad Attalum Philomatorem, qui moriens Populum Romanum hæredem instituit.



Nummus hic Prusiam Bithyniæ Regem exprimit. Is post deuictum ab Æmilio Perseum, *Romam* venit cum filio Nicomedes, Deos qui urbem Romam incolerent, Senatumque & Populum Romanum salutaturus, ut ait T. Liuius. Filium illis commendauit, fœdus renouauit, seque Populi Romani Libertum professus est. Tandem regno spoliatus est a filio, priuatusque redditus etiam a seruis deseritur: *cum sa. 10.* in latebris ageret, non minori scelere quam filium occidi iusserat, a filio interficitur. Illum commemorat hoc versu Iuuenalis,

*Donec Bithyno libeat vigilare tyranno.*

*cum de Hannibale loquitur, qui opem aduersus Romanos ab ipso quærebat, sed misi a Senatu Legati sunt, qui Hannibalem a Prusia deposcerent: ille recognita sumpto veneno legationem morte præuenit & suo damno Prusiam sefellit;* Sic fuit,

*Cannarum vindex, & tanti sanguinis ulti, Annulus.*

*Justin.  
lib. 32.*



ARIARATHES Rex occurrit, quem Cappadociæ  
 præfuisse certum est: sed qualis ille fuerit dubium  
 esset, ni Ἀριαράθεος istud Pij ΕΥΣΕΒΟΥΣ in nummo  
 legeretur. Nullatenus enim reuocari potest ad eum  
 Ariarathem Artaxerxis Regis Persarum filium, qui  
<sup>Iust. l. 10.</sup> cum L. fratribus parricidas manus parenti intulit:  
 quomodo enim pietas tanto conueniret facinori.  
<sup>l. 29. c. 2.</sup> Alter fuit Ariarathes, cui vt Iustinus scribit, Cappado-  
 ciæ regnum puero admodum pater ipse tradiderat;  
 Occidit ille in bello contra Aristonicum a Romanis  
 suscepito. *Fidelior populus Romanus in socij filios,*  
<sup>lib. 37. c. 1.</sup> *quam mater in liberos fuit, inquit Iustinus, quippe*  
*hinc paruulis auctum regnum, inde vita adempta.*  
 Namque Laodice ex numero sex filiorum quos  
 virilis sexus ex Ariarathe Rege susceperat timens  
 ne non diutina regni administratione adultis  
 quibusdam potiretur, quinque parricidiali veneno  
 necauit, vnuſ paruulus sceleri matris Cognatorum  
 custodiā eripitur, qui post necem Laodices, nam

propter crudelitatem, eam populus extinxerat, solus regno potitus est illius filius Ariarathes, qui multa a Mithridate perpessus, tandem eius fraude interficitur: At illius filius in regnum restitutus est. Ad hunc arbitror nūmmum pertinere , cum Cl. Nonnio Goltzii illustratore. Eo deinde mortuo, Cappadoces a S. P.Q. Romano libertate donati sunt, sed illi se sine Rege viēturos negauerunt, quare illis Ariarathis frater Rex constitutus est , Ariobarzanes dictus Amicus Romanorum ΑΡΙΟΒΑΡΖΑΝΗΣ ΦΙΛΟΡΩΜΑΙΟΣ.



Huius capitinis appendicem ex hoc rarissimo nummo faciemus. Persiae Regem exhibit ornatum pro more , cuius capillos cingit diadema , barba prolixâ : sed qualis ille fuerit, non facile est coniicere. Ex octo lineis in postica parte scriptis quatuor iam summus assecuti , quæ cæterarum interpretationem faciliorem suppeditare poterunt : sic se habet ,  
 ΒΑΣΙΛΕΩΣ ΒΑΣΙΛΕΩΝ, ΕΥΕΡΓΕΤΟΥ,  
 ΔΙΚΑΙΟΥ ..... hoc est , REGIS REGVM,  
 EVERGETIS, IVSTI .... quæ omnia Persicis  
 Regibus conueniunt : De quibus plura dicemus  
 in eius nummi expositione qui postremus est  
 capitinis sexti.



## CAPVT III.

# DE NVMMIS CONSVLARIBVS.

peræ pretium non est , rem  
 confectam iterum aggredi , quod  
 potius stomachum mouere , quam  
 Lectorem recreare nobis visum  
 est . Familiarum Romanarum  
 numismata edidit Vir Cl. Fulvius  
 Vrsinus , tam accuratè & tam eruditè , vt vix  
 quidquam illius temporibus accedere potuerit .  
 Suis deinde commentariis illustrauit Illustrissimus  
 Tarragonæ Archiepiscopus Anton. Augustinus , cuius  
 nomen omnem adimplet commendationem . Vnius  
 sæculi spatium trecentos & quinquaginta nummos  
 nobis patefecit , quos ab octennio edidimus . Rex  
 Christianissimus , qui nunquam Musis apud se

E

hospitium vel Eruditis patitur præsidium deesse, sui cimeliarchij copiam nobis fecit, ne quid deesset quod tam egregio tamque memorabili monumento vltiorem splendorem addere posset. Benignè sibi Opus nostrum adscribi passus est; cuius quidem beneficii, id promouente Illustrissimo Briennæ Comite Lomenio, nusquam ero immemor. Ex quo iuris publici factum est, non desimus scrutari ea omnia quæ ad rem nostram pertinerent. Fortuna plerumque insolens suum interdum habet ingenium: Nobis in hoc fuit, & nummos obiecit quos hic habes, ad Familiarum Romanarum & ampliationem & illustrationem. Vnum addam, optandas esse horum numismatum accessiones, quibus inquantum posset fieri, Fasti Consulares completerentur. Goltzius quidem plura edidit scalpsitque doctissimè. Verùm timor subest, ne oculatiorem habuerit in scalpendo manum, quam in dignoscendis antiquis solertiam: neue picturis ad eum missis nimium crediderit: Vix enim ex omnibus cimeliarchiis colligi potest tertia pars numismatum quæ vulgauit.




Primus quidem nummus in gente **AEMILIA** reponendus est, siquidem ab Paulo Lepido Trium-Viri fratre percussus est, vt ex inscriptione patet. Dea **CONCORDIA** fratribus fauere indicatur, quæ quò rarer inter fratres, èo pretiosior. Ad quid referatur iste **CLEMENTIAE** clipeus qui in auersa parte scalptus est, nobis non liquet. Quòd is in eum morem fuerit fabricatus, qui in nummo Tiberii ex ære mediocri repræsentatur, nos in alicuius adulterationis suspicionem deduxit; is tamen præstat super omnes adulterinos.

Secundus ad familiam **ANTONIAM** pertinet. Eundem typum repræsentat alter iam ab Ursino editus, sed cum his characteribus **TVR** qui hīc omnino desunt. Quare post victoriam Parthicam ab Antonio reportatam, coniicere est & Decimum Turdum & alios Monetales monumenta in gloriam M. Antonij publicauisse.




Duo hi nummi ad A<sup>Q</sup>VILLIAM gentem referuntur : Anteriores quidem nummorum facies siue Augusti caput armatum aut radiatum repræsentent, siue Dei alicuius, iam cerni possunt in edito Opere : sed posteriores nulli, quod sciam Aquillio competunt. Signorum militarium Romanorum a Phraate Augusto restitutorum, res est ita nota , vt vltiori interpretatione non indigeat ; sed cur Aquillio coniuncta est, quæ in Petronia gente cernitur ? an iidem Trium Viri monetales idem in monetis diuersis ex professo signauerint ? an monetarij, aut Aquillij aut Petronij signis palam & indifferenter usi, suum cuique ænigma tribuere non satis curauerint : judicent peritiores ; sed certè hi nummi sunt omnino indubitatae antiquitatis.



Primus huius tabellæ numinus idem ille est qui inter CÆCILIAE gentis nummos sculptus est; quique nostræ editionis decimum quintum locum obtinet: si solam restitutionis notam excipias, quæ præter Quinti Cæciliij Metelli Pij Imperatoris characteres, IMPeratorem TRAIANum AVGustum GERmanicum DACicum Patrem Patriæ RESTitutorem huiusce nummi celebrat.

Alter ab eodem Imperatore restitutus est, nempe Optimo Principe Traiano: Similem iam Clariſſ. Vrſinus vulgauerat, quem tertio loco sextæ tabellæ inter CORNELIAE gentis nummos æri incidi curauimus. Equestris statua vel ad Augustum spectat qui eâ erat donatus, vel ad ædes sacras ab Augusto restitutas: inter quas commemoratur Iouis Feretrij templum, in quo restituit opima spolia quæ Larti Tolumnio ad Fidenas imperfecto, Cossus detraxerat ac Ioui obtulerat. Cossus autem cognomen erat gentis Corneliae.




Sequentes duo Augustum repræsentant, qualem iam DVRMIVS signauerat : Idem appositi sunt characteres , sed auersæ partes plane à Durmij nummis differunt : vna Parthum signa restituentem exhibet , qualem Petronia, qualem ex superioribus Aquillia. Altera currum ab elephantibus vectum , qualem iterum Petronia in septimo nostræ editionis nummo. Dissimulare nequeo, eâ qua me sinceritate formauit Jupiter, Abrahamum Gorlæum hosce duos in suo ad Vrsinum appendice excudi curasse : vtinam eius momenti nummis tantùm incubuisse, quibus historia resarciri atque illustrari posset.




Primus hic siue ad EGNATIAM referatur, siue ad FONTEIAM, bellè semper erit collocatus: cognomen enim Egnatij MAXIMVS in eo legitur, quale in tertio eius gentis nummo. Aversa pars in Fonteiae nummo tertio signata est. Hirco insidet Cupido, animali supra cætera lasciuo: stellæ galeris impositæ Διονύσου indicant, Castorem & Pollucem, Romanorum propitos Deos, de quibus passim.

Alterum in gente CORNELIA reponat quislibet, aut in gente IVNIA. Numimus indubitatae antiquitatis, de quo nulla penitus fraudis suspicio esse potest. Quo pacto & Cornelium SVLLAM & IVNIUM BRVTVM repræsentet, non facile est coniicere, nisi errore Monetariorum id factum esse censeatur. Quænam enim potuit esse coniunctio inter duos viros, nulla affinitate coniunctos, moribusque ita discrepantes. Tempora non conueniunt, cùm vnus alio quatuor sæculis prior vixerit.



Eiusdem erroris in huius tabellæ numimis suspicio est. Secundi nummi NORBANÆ gentis auersam faciem DOMITIAE gentis sexto coniunxerunt, in quo Roma galeata inter spicam & X denarij notam collocata est: Alter MÆCILIAE gentis & PORCIÆ characteribus insignitus est, ad quampiam earum referre Tibi licet. Gorlæus quidem easdem notas cum eadem quadriga repræsentat, sed absque vlla Porciæ indicatione. Quamuis illi nummi nullas nos doceant historias, loco quem obtinent in hoc Thesauro indigni censeri non debent. Conducunt ad rei nummariæ antiquæ intelligentiam. Vix scitur an ij ex sola fusione metalli conflati sunt: Culos fuisse constat ex figurarum & characterum nitore & elegantiâ. Cuius opinionis hoc adhuc præbent argumentum, ex diuersis instrumentis quibus illorum formæ expressæ sunt, *matrices* Galli vocant, vnum ex vna familia alteri diuersæ admotum esse, ex quorum coniunctione vnu sit conflatus nummus, cum duarum familiarum designatione.



Quinarius hic elegantissimum exhibet typum: Tripus cum simpulo & albo galero in secundo nummo **SESTIÆ** gentis appetet: sella & congium ædilitatem indicant, & liberalitatem populo Romano factam. Sestiam gentem ex eo patriciam fuisse constat; solis enim patriciis **Ædiles** esse licitum erat.

*In Famil.  
Romanis.*

**S E R G I V S G A L B A** alterum nummum cudi curauit, qui Fulu. Ursini dubium eleuat: nisi, inquit, ad Imperatorem septimum pertineat, fere simili typo percussus qui in septimo & octavo **S U L P I C I A E** gentis scalptus est, ei debet adscribi qui familiam *Sulpiciam* illustravit, Consularem temporum suorum eloquentissimum, quem tradunt *Hispaniam* ex Praetura obtainentem, triginta *Lusitanorum* millibus perfidia trucidatis, *Viriatici belli* <sup>Sueton. in Galba.</sup> causam extitisse, &c. Ab hoc enim **R O M A R E N A S C E N S** in nummo adscribi non potuit, neque id ausus esset: at Galba Imperator mortuo Nerone Rempublicam sic ut seuerius sic tutius administratum iri, hocce nummo dictabat.



Famil.  
Roman.
 Nullum est dubium quin hicce nummus ad THORIAM gentem pertineat, ex apposito tauro & characteribus, licet ultra morem barbaris. Juno quidem Sospita in hoc non cernitur, ut in Thoriæ gentis nummo, sed caput illud fœmineum, quod quintum PORCIÆ gentis nummum occupat. VICTRIX legitur inuersis quidem & confusis literis quæ eandem Porciam adhuc indicant. De THORIÆ gentis numismatibus id suppetit dicendum, nulla esse alia antiqua tot exiguis notis ac symbolis diuersis signata, quamvis idem caput ab una parte, idem taurus sit ab altera. Obseruauimus primùm viginti quatuor Romanos characteres A, B, C, &c. deinde muscas, cancros, aratrum, stellas, clauam, & similia. An hæc denotent officinas monetarias, quemadmodum apud Gallos A Parisiensem, B Rothomagensem &c. an ipsos monetæ opifices, quemadmodum turris, lilyum, stella apud nos etiam indicant illos scalptores monetae, quos nouimus.



Huius tabellæ nummis adscribere propria familiarum nomina, valde foret difficile. In vno quidem GENIVS Populi Romani repræsentatur, qualis ferè in nummo nono Corneliae gentis: auersa facies differt, hic enim corona quercea cum S.P.Q.R. designatione. Videtur is cūsus post Iulij Cæsaris necem & libertatem, vt aiebant interfectores, restitutam.

Sequens coniecturam firmat in quo Dea LIBERTAS RESTITVTA cernitur, quemadmodum in Iunia gente signata est.

ROMA RESTITVTA quæ in duobus sequentibus legitur ad idem refertur cum diuersis simulachris : IVPPITER LIBERATOR & IVPPITER CVSTOS ei fauere prædicantur.

SALVS GENÆRIS HVMANI coniuncta SIGNIS militaribus Populi Romani, temporum indicat reparationem, partamque libertatem, quam armis tunc tueri erat necesse.

Ad id requirebatur FIDES EXERCITVM & FIDES PRÆTORIANORVM, quæ in sequenti nummo tum vulgari typo tum inscriptione signatæ sunt. CONCORDIA PRÆTORIANORVM Deæ habitu prostat in altera, & FIDES EXERCITVM, iuncta VESTÆ Populi Romani QVIRITIVM.

Quare non dubitarem hosce octo nummos ab Bruto & Cassio percussos fuisse, rebus adhucstantibus necdum Augusto delatis. Quoniam autem neque Brutus Cassiusue aut alij indicantur, inter INCERTA numismata lubentius reponerem.



Appendicis vice hunc nummum apponemus argenteum, consularem, & maximi moduli, Græcis Latinisque characteribus insignitum, integerissimum, pretiosissimum. Legitur Publius LENTVLVS IMPERATOR quem eum esse certum est qui Consul fuit cum Q. Cæcilio Metello nepote. Cognomen Lentulus ab Spinthera histrione cui erat simillimus, accepit, ut Valerius Maximus & Plinius retulerunt. Proconsul ex Cilicia triumphum egit anno DCCII. qua in prouincia signatus est nummus: *In select. numismat.*

Publici iuris fecit Illustrissimus Seguinus duos huiuscem magnitudinis & typi nummos, quorum alteri inscriptus est APPPIUS PVLCHER qui Lentulo successit, alteri successor item in Ciliciæ Proconsulatu M. TULLIUS Cicero IMP. Eos a Serenissima Christina dono acceperat & eruditè vt solet explicauit. Ad huius nostri vberiorem interpretationem memorandum venit M. Tullium Ciceronem qui Appio Pulchro intermedio P. LENTVLO successit, ei

Epist. 7.

epistolarum libellum inscripsisse quibus vel PRO-  
CONSVLIS vel IMPERATORIS titulum semper  
præfigit, quod numnum nostrum mirificè illustrat.  
In iis, istius etiam Proconsulatus mentionem facit  
his verbis, *Te perspicere posse qui Ciliciam Cyprumque  
tenes, quid efficere quid consequi possis.* &c. Quis  
& quantus fuerit noster hic P. LENTVLVS ex  
eadem epistola discas, *Te verò moneo, inquit Cicero,  
cùm beneficiis tuis tum amore incitatus meo, ut  
omnem gloriam ad quam a pueritia inflammatus  
fuisti, omni cura atque industria consequare, magni-  
tudinemque animi tui quam ego semper sum admi-  
ratus semperque amavi, ne unquam inflectas  
cuiusquam iniuria; magna est hominum opinio de  
Te, magna commendatio liberalitatis, magna memoria  
consulatus tui* &c. ΑΠΑ quod in nummo legitur  
certè Apameam denotat, in qua percussus nummus  
esse videtur, vt in duobus aliis ΛΑΟ Laodiceam.  
Myiscum verisimile est Græcum vibis Præfectum  
qui etiam græcis characteribus designatus est.  
De Imperatoris nomine dicendum Romanos id  
assumpsisse quoties hostes vicerant. Cicero autem  
cùm esset Ciliciæ Proconsul, victoriam quamuis  
exiguam nactus erat, occupato haud ignobili vico,  
& triumphaturus videbatur, si per arma civilia  
Cæsaris & Pompeij licuisset.

CAPVT



## CAPVT. IV.

# DE NUMMIS ARGENTEIS *IMPERATORVM ROMANORVM.*

**A**b huius generis numismatibus incipiunt frequenter Curiosi esse curiosos, quod & nobis contigit. Quò magis Imperatorum Romanorum historia cæteras antecellit, cōaudiūs inuitat quemque ad sui notitiam : nihil fere legitur apud Principis illius historiæ Scriptores, quod hæc serie non comprobetur. Plures deinde supersunt in argento quam in auro aut in ære ; excurrit siquidem illorum numerus ad duo millia. Ex tot vix yllus est, siue typos speces. siue inscriptiones , quem non probes. Eos hic apponemus qui aut nusquam scalpti sunt, aut noua aliqua interpretatione ornari possunt.

## THESAVRVS



Iterum prodit nummus argenteus ex maximo modulo ab Antiochiensibus percussus. *Antiochias sexdecim à Seleuco Nicatore conditas in memoriam paterni nominis scribit Appianus, quarum illustrissima fuit Antiochia illa quæ sub Libano monte condita erat.* Metropolim illam fuisse indicat cum epigraphe tum *De bello Judaico lib. 3. cap. 3.* Josephus his verbis, *Antiochia quæ Syria metropolis est magnitudine simul aliaq[ue] felicitate sine dubio tertium inter omnes quæ in Romano orbe sunt, locum obtinet.* Alludebat ad id quod tradidit Egesippus, *Prima Roma, secunda Alexandria, tertia Antiochia, quarta Constantinopolis.* Praeterno habitu illa hic designatur, capite scilicet turrito, palmam tenens, pedem imponnens viro jacenti & veluti natanti. Hoc ænigmate videtur Orontes designari, fluuius qui Antiochiam præterfluit. Charæcteres cœteri periodum denotant quam æram vocant Chronologi: Eam sibi propriam habuerunt vrbes plurimæ, quod antiqua marmora demonstrant, & nummi plurimi quos vidimus scilicet Antiochiæ, Tyri, Sidonis, Ascalonis, Gazæ, Gadarorum, Arabi, Cyrrhi, Amisi, & aliarum.



Primus nummus Deam sedentem exhibet, qualem omnes fere Tiberij nummi repræsentant: ex quo arbitror Tiberium suarum monetarum desumpsisse symbolam: mirum profecto quòd is qui tot annos regnauerit, eâ ferè semper sit *usus* in nummis ex argento.

Sequens CONSECRATIONem Augusti refert, a Gallieno restitutam; hoc indicat metalli ratio, argentum nempe æri permixtum, quod *Billon* Galli vocant, & scalptura temporibus Gallieni congruens; quorum exempla in sequentibus plurima subiiciemus. Ne tantorum virorum quibus ille successerat, memoria intercideret, eum illos restituuisse credibile est. Aquilam autem signabant, quò magis imperito vulgo illuderetur: Ea enim è medio rogo cui Imperatoris cadauer deurendum impositum erat, loris quibus deuinciebatur, accenso igne libera eius animam in gremium Iouis deferre censebatur: Pauo Iunonis ales idem officium Augustis feminis præstabat.



*In Calig.  
cap. 26.*

Duos Reges exhibet hæc tabella. **P TOLEMÆVS REX** legitur in primo nummo. Iuuenilis facies diademate ornata Iubæ filium repræsentat, de quo sic Suetonius, *Leue ac frigidum sit his addere quo propinquos amicosque pacto tractauerit*, Caligula. *Ptolemæum Regis Iuba filium consobrinum suum,* erat enim *ei* is *M. Antonij ex Selena filia nepos, ei* imprimis Matronem, ipsam Enniam adiutoris imperij quibus omnibus pro necessitudinis iure proque meritorum gratia, cruenta mors persoluta est. Caput acris equi qui in auerso nummo cernitur patriam indicat. Illud inest semper Carthaginis nummis, de quibus dictum est in nostro libro *De Nummis ex ære mediocri*.

Alter Regem Thraciæ Cotim exhibet, qui in honorem Augusti innuendæ amicitiæ causa, suam hic effigiem apponi curauit, cum ab altera parte ipse Augustus laureatus repræsentetur. Nummus quidem rudis ne dicam barbarus, si cælaturæ attendas, supra solitum spissior est & grauior.



Rari sunt omnes illi fere numimi qui duobus aut pluribus Imperatoribus sunt insigniti: numerum auget primus hic qui Augusti & Tiberij faciem exhibet, eum indicendæ adoptioni cusum arbitramur.

Id attingere voluit Græca quædam ciuitas quæ sequentem percussit, sed quænam fuerit illa, nescio.



Primus numimus ad Drusum refertur, de quo iam supra dictum est pag. 5. Arma Germanorum in trophæi modum erecta victoriam de GERMANIS significant, penes quos tandem periit opt. Imperator.

Sequentem lubenter ad eundem Drusum referrem, nisi me ab hoc amoueret ille titulus qui circum caput legitur CÆSAR AVG. ceteris characteribus temporum iniuriâ detritis, quare aut Caligulæ aut Claudio tribui necesse est. Fortassis etiam Germanico Drusi istius filio qui sic in nummis antiquis inscribitur, C. CÆSaris AVGusti PATER.



Duo hic prostant nummi ex maiori modulo, Caligulæ & Claudij. Sedet ille Louis instar inter septem stellas quæ Planetas referunt, quibus se orbis terrarum Dominum indicaret.

Alter pretiosissimus est, tum propter raritatem tum propter integritatem. Notæ quæ circa collum apparent, temporibus Vespasiani superadditæ videntur. Templum in honorem ROMÆ & AVGusti ædificatum, hic signatum est: tanta erat populorum Romanis servientium vesania, ut frequenter disceptauerint quibus nam honor ille competere deberet.

L. 4. annal. Exemplum illustre narrat Tacitus. Ipsi etiam Claudio templa fuisse ædificata scribit Seneca his verbis, *Parum est quod templum in Britannia habet, quod nunc Barbari orant & ut Deum colunt.* Ad hæc, inquit Tacitus, templum Diu Claudio constitutum quasi ara æternæ dominationis aspiciebatur, delectique sacerdotes specie religionis omnes fortunas effundebant. De communi Asiæ vide quæ Seldenus scripsit, cùm marmora Arundelliana est interpretatus.



Hæc tabella ad Neronem pertinet : Prior eius nummus docet illum fuisse SACERDOTem COOPTatum in OMNibus CONLegiis etiam SVPRA NVMERVM EX Senatus-Consulto: quod simpulo, tripode, lituo & paterâ significatur. Hunc nummum sic explicat Lampridius , *Affumptus* <sup>Incommodo</sup> est in omnia collegia Sacerdotalia sacerdos , &c. Primùm Iulio Cæfari hic honos concessus erat. Dio,

Alter qui quinarius est longè est rarer : primis annis imperij Neronis videtur cusus. Victoria dextro pede orbem calcat ; clipeo videtur inscriberet quæ Nero facturus erat : ab ipso enim plurima expectabantur, eratque magnæ spei adolescens qui pessimus tandem factus est.



In Neronem  
cap. 23. &  
24.

Nummus hic in Græcia scalptus est, ex inscri-  
ptione Græca patet & cælandi modo. Ciuitatem  
characteres non satis declarant. Aquila fulguri  
innixa ut & palma referri videntur ad Ludos  
Olympicos quos frequenter Nero celebrauit ; de  
quibus Suetonius plura scripsit. Illumque per virum  
Consularem sic præconium instituisse Græca voce,  
**N E R O C Æ S A R V I C T O R C E R T A M I N I S**  
**C O R O N A T P O P V L V M R O M A N V M E T S V V M**  
**O R B E M T E R R A V M.** Serpens extremo collo  
appositus in aliis eiusdem Neronis nummis cernitur:  
de eo diximus in libro *De nummis ex ære*  
*mediocri.* Omnes autem nummos argenteos ex  
maximo modulo raros esse nullus est qui nesciat.



Sex Galbae nummi obiiciuntur, omnes eximiū.  
Primus quidem HISPANIA m Galbae patriam  
denotat, iaculis & clipeo ornatam: fruges habet in  
dextra, fertilitatis & abundantiae indices: mirum  
quot & quanta de istis antiqui prædicent, cùm  
hodie sterilem esse Hispaniam nemo est qui dubitet.

GALLIA & HISPANIA foedus inire vi-  
dentur iunctis dexteris, in gloriam Galbae &  
Neronis odium: hæc scutum tenet & tela duo,  
quibus Hispani frequenter utebantur. Illa scipionem,  
vinaque gæsa, quæ Gallorum tela erant propria:

Virgil.

*Aurea casaries ollis, atque aurea vestis  
 Virgatis lucent sagulis, tum lactea colla  
 Auro innectuntur, duo quisque alpina coruscat  
 Gasa manu scutis protecti corpora longis.*

Ceterorum quatuor, quamuis indubitatæ antiquitatis, fere similes typi videntur in Consularibus incertis: quare arbitrarer illos omnes suisse eos Galbæ temporibus. Iis fortè ob libertatis quamdam indicandam speciem, nulla sculpta fuit facies: in aliis Galbæ videtur effigies sed absque Augusti titulo; quasi ille tantum Reipublicæ ob Neronis facinora labenti Præfectus esset: in iis etiam tantum IMPERATOR nominatur, quod tunc temporis dignitatem minus indicabat quam officium. Fortassis Galbæ in Neronem odium fecit ut ab eius dignitatibus & titulis abstineret. BONVS EVENTVS Lib. 1. de re rufina. qui in quinto signatus est inter XII. Deos Consentes agriculturæ præsides à Varrone togatorum doctissime commemoratur. Is à Plinio describitur qualis in nostro nummo cernitur Euphranor, inquit, simulachrum BONI EVENTVS fecit, qui dextrâ pateram, sinistrâ spicam ac papaver tenet; nihil illustrius. Eius templi supersunt Romæ vestigia, inter Mineruam & sanctum Eustachium.

Lib. 55.



Othonis nummos omnes mirantur qui non satis norunt: audiuerunt de illorum raritate differentes, quare aut nulos aut paucos esse arbitrantur: id tantum de æreis intelligendum est: permultos enim habemus ex auro & argento: exempla funto quatuor hæc numismata, quorum qui typos viderit & interpretationem facile nouerit.



Vitellii raro duos nummos habes: Is est qui se victorem primum, deinde ad imperium euectum victum vidit, Imperatorem Romanum & paulo post, ad Gemonias excarnificatum. Summo honori

## THESAVRVS


successit summa infamia: Primus nummus Lucium  
Censorem exhibit, quem eius patrem libens coni-  
cerem, quamuis fratrem habuerit eiusdem nominis:  
*Suet. in Vit.* Alter filios. Suetonius vnius tantum mentionem  
*cyp. 18.* facit qui cum patre periit. Frequenter nummi supra  
libros docent.



Ex Vespasiani nummis hos quatuor elegimus qui plurimum ad historiam faciunt. Nihil illustrius trophyo illo DEI VICTORIS post excisam Hierosolymam, Judæam deuictam & deletam fere totam gentem. Eundem typum in nummo aureo vidimus Vindobonæ, in cimeliarchio Cæsareo. Nummi sunt plurimi ex ære mediocri qui rem declarant, de quibus alias. VICTORIA IMPERATORIS VESPASIANI in altero legitur: rarum id arbitror & visu dignum. Titus & Domitianus stantes togati sacrificantes in sequenti cernuntur, cuius etiam notanda venit inscriptio: Ephesi videtur cusus, ob appositum EPHE. Postremus a Gallieno Imp. restitutus est.



Eos omnes superat & raritate & dignitate nummus iste ex majori modulo, quem hic apponi curauimus. Græcus est, indicat is annum nonum ab ædificato templo Capitolini Iouis, quod imperante Vitellio crematum fuerat: cuius quidem restitutionis designationem illustriorem reddere coifferent.  
hist. rom. 1. conabatur Vespasianus noua indicta periodo. Imp. Tristanus hunc vulgavit nummum.



Præclarus quidem mihi videtur ille Victoris Titi habitus: hastam dextrâ, scipionem sinistrâ tenet paludatus Imperator, orbem pede calcans. Proxima ipsi est Iudæa lugens ad palmam, quæ eius est symbolum, ob excisam Hierosolymam. Alter per Gallienum Imp. restitutus est.

Joseph.  
in Antiq.  
Iudaic.



Domitiani hos numimos cudi curauit. Germaniam in primo prostratam exhibit quam vicensse se iactitabat; quamuis ex ea cum exercitu sit reuersus, hoste nunquam viso. Mœrens & lugens suam fortunam videtur illustris hæc & optima prouincia, quasi tam ignauo & vesano Imperatori seruiret.

Sequens Salium & columnam exhibet,  
LV Dorum SÆCularium monumentum.

Ceteri duo Quinarij sunt, quibus suam gloriæ auiditatem caducæo & Victoriâ testatur Domitianus, quasi post deuictos barbaros S.P.Q.R. pace tranquillitateque gauderet.



Et Augustus & Augusta in primo nummo cernuntur, quod nummi semper adauget raritatem. Qualis fuerit DOMITIA, consulatur Suetonius.

Nummus alter Pauonem exhibit auem Iunoni sacram, indicendæ cum Ioue CONCORDIÆ. Deis similes se profitebantur Imperatores Romani, mortui fere omnes consecrabantur ; Domitianus se Deum Dominumque viuis nominari iussit. Libenter audiit sibi & vxori acclamantes DOMINO ET <sup>Sueton.</sup> DOMINÆ FELICITER.



Domitiani & Domitiæ filia fuit DOMITILLA, quam refert primus hic nummus. Fortunæ typum frequenter usurpatum fuisse ab Imperatoribus & Augustis, nummi palam testantur.

Nummum Neruæ ideo apposuimus, qui probaret aut eum OPTIMVM PRINCIPEM dictum, aut posticæ parti nummi Traiani adhibitam fuisse anticam Neruæ: quod saepe apud antiquos accidisse notauimus.



Quam rari sint nummi Imperatorum Romanorum Græcis characteribus insigniti norunt omnes qui nummos tractant. Traiani sex eius speciei exprimi curauimus, quorum quidem inscriptiones nil aliud quam tribuniciam potestatem denotant & annum consulatus : Attamen typi summopere spectandi veniunt. De monte Cæsareæ dictum est in libro *De numismatibus ex ære mediocri.*

Camelum signatum esse in sequenti, nemo inficias ire potest, qui Arabiam designat: dimidiatus quidem cernitur in alio nummo eiusdem Imperatoris cum hac epigraphie ARABIA ADQVISITA: Ex quo vir quidam ceteri doctus stratiocamelum esse contendebat.

Vbique terrarum fere colebatur Iuppiter cornutus seu Ammon: Aegyptos tamen & Syria in eius honorem frequentes nummos supra ceteras orbis provincias cuderunt.

Noctua insidens lyris, in aliis etiam quam Traiani nummis signata occurrit, Apollinis & Mineruæ fauorem indicat: sequens concordiam exercituum designat, alter libertatem: qui quidem postremi typi in nummis Neruæ sed cum Latinis characteribus occurrunt: An Græci id fuerunt imitati?



Latini hi duo nummi CONSECRATIONEM referunt a Gallieno Imperatore restitutam: in iis tum ara tum aquila expressa sunt consecrationis nimirum typi.



DIANAM PERGamenam in hoc nummo legunt, quod illa in tota fere Asia colebatur: at nos PERGæam. Perga enim vrbs est Græciæ Dianæ sacra: vide nostras interpretationes ad nummos ex ære mediocri. Quantum autem valeant omnes argentei nummi ex maiori modulo, vel ex eo intelligas, nos et si tenuissimæ fortunæ lubenter mille thaleros repensuros ei, qui nobis quinquaginta priorum Imperatorum Roman. numismata istius conditionis venalia obiiceret.



Plotina sanctissima fæmina in superioribus ex auro signata est, de ea dictum est. pag. 9. Eius nummos ex omni metallo raros esse intelligas.



MARCIANA & MATIDIA eadem veneratione spectari debent. Illa Plotinæ soror fuit, quidam scribunt Traiani : hæc illius filia. Aquila siue sceptro insistat, siue fulguri, summam semper indicat dignitatem quam in Diis & in Augustis Maiestatem nuncupant. A Ioue missa censetur quæ Marcianam in cœlum detulerit. Iouis autem instar erat optimus Princeps Traianus, qui omnibus artibus optimæ sororis gloriam posteris commendare conatus est, *Marcianopolim in Mysia condidit* &c. inquit Iornandes.

*De rebus  
Geticis.*

Nummus alter Matidiæ repræsentat : Auersus typus eamdem sub habitu PIETATIS exprimit duas filias fouentis : erant illæ nimirum Sabina Hadriani vxor & Matidia iunior, quam ex Velsero V. Cl. aliam esse à Matidia auia cognoscimus.

Ceterū obseruandus venit capitis ornatus in utroque nummo, antiquitatis curiosis & Pictoribus & Scalptoribus non iniucundus. Earum ora & ornamenta, præcipue quod ad caput attinet, vidisse non tædebit.



Lustratas ab Hadriano omnes imperij prouincias nemo non noscit, qui aut historiam Romanam aut nummos antiquos degustauerit : praeclarissima istius itineris supersunt monumenta in marmore & lapidibus, pretiosiora in auro, in argento, in ære. Horum aliquot hic apponi curauimus exempla, quorum interpretationem, adeo facilis est, nullum postulaturum arbitramur.



Quatuor h̄ic habes nummos in honorem Hadriani cūsos ob prouincias restitutas : Vbiq̄e Imperator ille benē fecerat futuris Imperatoribus exemplum. *Profectus in Gallias inquit Spartanus, omnes fere caussarijs liberalitatibus subleuanit.* Id ad primum nummum attinet.

Secundum etiam explicat ille Spartanus, multūm *beneficiorum prouinciis Africanis attribuit.*

De Hispania & eius symbolo cuniculo, dictum est in nummis *ex ære mediocri.*

Achaia suum gratitudinis testimonium quarto nummo refert , quōd Hadrianus cūm de omnibus nationibus Imperio Romano subditis , tūm de Græcis esset optimē meritus. Achaia autem quæ Græciæ prouincia est nobilissima, Hadriani temporibus pro tota Græcia sumebatur.

*Lipſiā Tacit.  
lib. I. Ann.*



spars.

Duos dein nummos habes perraros. Primus solâ inscriptionis declaratio[n]e explicatus est. Alter **ADOPTIONEM** celebrat, quâ imperium adeptus est Hadrianus, *quamuis non desint qui factio[n]e Plotinæ mortuo iam Traiano, Hadrianum in ADOPTIONEM adscitum esse prodiderint, supposito qui pro Traiano fessa voce loqueretur.* Ut vt sit, fabula ipsi profuit, quare percussus nummus, in quo uno ex antiquis, ADOPTIONis mentio facta est.




Sola raritas num̄i effecit ut iste hic reponeretur. Inusitatum erat Imperatores Romanos tantæ molis nummos cudi curare, quare in cimeliarchiis curiosè debent asseruari.



Sabinam morosam fæminam vxorem Hadriani exhibit hic nummus, sed cui quo pacto conueniat posticæ partis inscriptio, non satis scio, nisi hanc Sabinæ adaptatam dicas, quæ Hadriano esse debuit: is enim indicatur Pater Patriæ Cos. III. quod Sabinæ conuenire nequit.



Cæsareæ hunc montem tribuunt, & meo quidem iudicio rectè. De eo diximus in libro de *Nummis ex ære mediocri*. Is frequenter occurrit in nummis antiquis.



In duobus sequentibus iterum prodeunt restituti nummi per Gallienum in gratiam optimi Imperatoris Antonini Pij. Quantum potuimus huius generis nobis comparare, fecimus: quò omnes ferè Imperatorum nummos a posterioribus restitutos fuisse probaremus.



Imperatorum Romanorum gloria in consignandis rerum a se gestarum monumentis ea fuit quæ quemlibet supereret descriptionem. Patet etiam ex nummis quorum flandorum ius interdum tributum est vxoribus, liberis, agnatis & amasiis.

In defunctorum commendationem id s<sup>e</sup>pe factum fuit, qu<sup>o</sup>d intelligerent. Posteri diuinos honores ipsis decretos fuisse: quasi S. P. Q. R. aut ipsi Imperatores aliquid pr<sup>a</sup>estare potuissent, quod homines superet.

**Æ T E R N I T A S** Faustinæ decernitur in primo nummo, quam per astrum indicabant. At quid tandem factum est de tot superbis capitibus quæ Christum neglexerunt? laudantur *vbi non sunt*, cruciantur *vbi sunt*.

**D E D I C A T I O** **Æ D I S** quæ in altero Faustinæ nummo legitur, pertinet ad honores ipsi ab Antonino marito delatos, de quibus adeundus Capitolinus.

Tertius nummus eamdem Faustinam exhibet: Eius auersum typum, quamvis genuinus sit, ad Faustinam reuocare nemo potest: quid enim illa cum TRibunicia Potestate? quid cum CONSulatu? certè ad Antoninum aut M. Aurelium pars postica pertinet.

Quartus Concordiam exprimit quam coluisse cum viro vxor gloriabatur. Id omnibus vxoratis non competit: etenim

---

*Pauci quos equus amauit.*

*Iuppiter:*



Dio.

Si cuiusquam veneranda facies posteris confignari debuit, id meritò contigisse M. Aurelio æquum erat, cuius sapientiam & mirantur ipsi Christiani: Fortis in bello fuit, clarus in pace, domi philosophus: nihil ipsi ex humanis defuissest, si parem sibi sapientiā nactus fuisset uxorem: in diuinis, si Christum coluissest. Ara ipsi cum CONSECRATIONIS nota per Gallienum restituta est. *Senatus Marco & Faustinae decreuit statuas argenteas Rome in templo Veneris collocari; aramque extrui, in qua virgines omnes quæ nuberent in Urbe, sacrificarent*



FAUSTINÆ vt MATRI CASTRORVM primus nummus dicatus est: hæc virum ad bella prope-  
rantem interdum est comitata; interdum redeuntem ita excepit vt se Venerem quasi Martis victricem in nummo ex ære repræsentauerit. Suam prædicat FECONDITATEM dum Charitatis instar quatuor souet puerulos.



Eodem prorsus typo Fecunditas hic repræsentatur : Romanorum felicitatem fortassis indicat : **PΩΜΑΙΩΝ** enim exactè legitur in nummo qui vt rarissimus , sic est pretiosissimus . Detritum prius inscriptionis verbulum hanc declarationem eripit . Vehementer doleo quòd Græca ciuitas quæ nummum percussit , in eo signata non fuerit . Mirum quam paucæ designentur in nummis argenteis cum fere semper in ære mediocri sint impressæ .



Eadem **FECVN DITATEM** celebrat Lucillæ nummus , quæ fuit vxor Veri , quamuis ex eo nullos habuisse liberos superstites legerim . Post eius mortem nupsit illa Claudio Pompeiano , deinde à fratre Commodo imperfecta est .




Vesanum Imperatorem si vñquam quisquam fuit, Commodum fuisse nemo negabit: testes vltro sint huius tabellæ nummi, in quibus se Iouem, se Serapidem, se Apollinem, se Martem, se Herculem fingebat, uno verbo omnibus omnia. Se AVCTOREM PIETATIS asserit qui summè erat impius: PIETATEM SENATVS per nummum colere videtur, cùm tamen Senatores omnes propria manu necare habuerit in animo; quo enim propriùs Herculem imitari videretur, se hæcce monstra, sic Senatores nominabat,



deleturum iactabat; quare etiam *Carnifex senatus* Lamprid.  
dictus est. *Accepit ille statuas in Herculis habitu,*  
*eique immolatum ut Deo.*

TEMPORVM FELICITATEM, FELICITATEM  
PERPETVAM & SECVRITATEM ORBIS se  
imperante stabilitas esse per sequentes nummos  
gloriatur. *Illum Seuerus odio, ut videtur Senatus,* Lamprid. in  
*inter Deos retulit, Flamine addito, quem ipse sibi* Comm.  
*viuus parauerat, HERCVLANEO COMMODIANO.*

Posteriores duo à Gallieno Imp. restituti videntur.



**C**RISPINÆ numimum hic apposuimus, qui rem frequenter à nobis expositam probet. Anticis nimirum Imperatorum nummis posticas facies immutatas fuisse. Certum est enim Crispinam **AVGVSTI PII FILIAM**, sicut in nummo legitur, non fuisse, sed ei adscriptum fuisse & titulum & typum qui soli Faustinæ conueniebat. Id ad Monetariorum incuriam lubenter traduceremus.



Commodo succedit **PERTINAX**, qui tandem ab iisdem interfectus est à quibus ad imperium electus fuerat. Eius quatuor nummos subiecimus, rarissimos, integerrimos. Mentem Imperatoris declarant, & æquam erga homines & piam erga Deos.




Eius successor **DIDIVS IVLIANVS** raro in nummis cernitur ex quoouis metallo : attamen ærei frequentius occurunt. Videre non licuit ex argento alios eius typos, quam qui in hisce nummis signati sunt. **CONCORDIA MILITVM** celebratur cuius ope, pacto tamen pretio, adeptus erat imperium. Fortunam in altero precari videtur Imperator, vt videlicet diurna sit quæ summa erat tunc temporis.



**MANLIA SCANTILLA** eius vxor **AVGusta** legitur. Solebant autem Augustæ aliquam sibi ex Deabus eligere quam precarentur & propitiam conciliarent. Hæc supra ceteras fæminas euecta, Dearum maximam **IVNO** nem **REGINAM**, sibi pro suo typo elegit.



Inter omnes nummos existant rarissimi qui ex quo quis metallo **P E S C E N N I V M N I G R U M** refrrunt: Procul is ab Vrbe regnauit, in Asia scilicet, idque neque diu, neque pacifice. Sive itaque paucæ eius conflatae fuerint monetæ, siue propter tantam locorum distantiam, absumptæ aut deperditæ fuerint, siue Seuerus abolendæ eius memoriae eas fudi curauerit, certum est rarissimas esse, quas nullo pretio venales noscimus, & quæ deficiant in plerisque cimeliarchiis. Dignus erat bonus ille Princeps meliori sorte. Auersas facies explicauimus in libro *De nummis ex ære mediocri.*



Plerique Albini nummi Cæsaris dignitate sunt insigniti, quam acceperat à Seuero. Ille tamen in quinque posterioribus huius tabellæ AV Gustus dicitur. Mirum quam vultu differant à superioribus; hi barbatum quidem Albinum repræsentant, sed illi prolixam & crispam eius barbam exhibent, quâ ille prorsus à se dissimilis pingitur. Coniectura est primos in Italia cūsos, alteros in Gallia; ibi enim solus imperabat. Victus à Seuero propè Lugdunum seipsum intersecisse dicitur; caput eius excisum Romam delatum est, ob ignominiam.



Felicior SEVERVS summam rerum adeptus est, quod ut PROVIDENTIÆ Deorum id se debere declararet, hanc cum Medusæ capite in primo nummo signauit.

*In Panegyrico.* ÆTERNITATEM deinde IMPERII demonstrat per filios Carallam & Getam. Ad illum referri potest quod dictum est Maximiano & Constantino. *Maximas itaque vobis, Æterni Principes,* gratias agimus, quod suscipiendis liberis optandisque nepotibus seriem vestri generis prorogando, omnibus in futurum saeculis prouidetis: ut Romana res olim diuersis regentium moribus fatisque iactata, perpetuis Domus vestræ radicibus coalescat: tamque sit immortale eius imperium quam sempiterna soboles Augustorum.


Ad Getam pertinere videtur tertii nummi pars postica, tum quòd eius nummi suppetant simili typo & simili inscriptione, tum quòd Seuero conuenire non possit hæc inscriptio PRINCEps IVVENTutis, cùm hic nonnisi prouectâ ætate factus sit Imperator.

Quartus Seueri caput exhibit Iuliæ coniunctum: coniunctiones autem istæ semper in nummis raritatem arguunt.



Primus hic nummus græcus est, Cæsareæ cusum fuisse inscriptio docet, post adeptam de Pescennio Nigro victoriam, quæ globo insistens palmam sinistrâ tenet: Coronam impositura videtur victori Seuero, orbis imperio tunc temporis pacificè fruenti.

Alter CONSECRATIONis est monumentum quod Gallienus restituit, id in plurimorum Impp. gloriam præstiterat, quorum nummos ita restitutos supra ceteros spectabiles esse censemus.



IVLIA nummos clarissimos nobis consignauit. Primus illam exhibet ut Cybelem in curru triumphantem, à quatuor leonibus vecto. Illa genitis à se Diis non magis superbiebat, quam hæc Caracallâ & Getâ. Nec eorum tantum matrem se nuncupabat sed SENatus, sed etiam PATRiæ, sicut in secundo legitur. An vlla vñquam fæmina illustrioribus titulis gloriata sit? Adde quod in alio nummo veluti altera Cybele se MATREM DEVUM dixit.

FECUNDITAS aut potius Iulia ipsa iacet in altero, quatuor stipata infantibus. Seu anni tempora interpreteris, seu Caracallam & Getam & duas filias, congrua semper erit coniectura: plura circa hunc typum diximus in libro *De nummis ex are mediocri*.

Tres sequentes eundem Monetariorum errorem indicare videntur: non solebant enim Romani VICTORIAM Imperatorum vxoribus apponere, quæ in quarto & quinto signata est, nec BONVM EVENTVM; certum est hos omnes typos esse Seueri: præsertim cum inscriptio quinti ad Pescennium Nigrum referri possit, qui IUSTVS cognominabatur.


Sextus Caracallæ faciem exhibet in nummo Iuliæ, siue huius ille fuerit filius, siue priuignus.

Postremi duo Cæsareæ percussi sunt, quam, quod Iulia Syra erat, eam esse putant quæ est in Syria. At auersæ partes certè pertinent ad Cæsaream Cappadociæ metropolim. Primùm enim hoc vrbi cognomen in nummo scriptum est: Deinde mons Argæus signatus, iuxta quem condita Cappadocia. Κατα τῷ τῷ Αργαῖῳ ὅρῃ τωντων υψηλοτάτῳ νοῦ ανέκλεισθον χίονι τῷ ανεώρειαν ἔχοιν. Deinde illa vrbs etiam suos nummos Seuero dicauerat, quare suspicio est similes honores Augusto & Augustæ ab eadem delatos fuisse.



Caracalla hic eum sibi vindicat habitum quem nummi Traiano tribuunt, post deuictam Armeniam & Mesopotamiam: Hastam tenet & scipionem, captiuis hinc inde prostratis & iacentibus, manibus à tergo reuinctis: hoc typo nimirum se hostes superasse iactitat. In sequenti, inscriptio adiecta est rem apertius declarat, VIRTVS AVGG.

In tertio SALus GENeris HVMani legitur, quemadmodum in nummo Galbae; hic tamen typus insolentior: Caracalla enim sub habitu Deæ Salutis, genus humanum subleuare videtur, quamuis ad id natus censeretur, qui illud destrueret. Sequenti se PACATOREM ORBIS prædicat; at semper id in spe fuit, nunquam in re.



Duos istos Getæ nummos & typus notandos facit & inscriptio ; unus illum tantum Cæsarem, alter Augustum indigitat. **ÆTERNITATEM IMPERII** in eadem familia designant tot virilia capita, Seueri nempe, Caracallæ & Getæ. Fortuna decumbit quasi post tot iactationes firmam se, ac in Seueri familia permansuram polliceretur.



**M A M M A E A M** prudentissimam fæminam hic quinarius exhibet ; propter quem lubet & id palam facere, quod dicebat Amicus quidem meus : se pro quinquaginta priorum Imperatorum Quinariis venalibus, si ij occurrerent, quingentos Thaleros daturum. Pretium tunc sola raritas efficeret.



ALEXANDER SEVERVS à Gallieno nummos  
habet restitutos , cum CONSECRATIOnis monu-  
mentis. Aquila & ara nihil aliud indicant.



GORDIANI duo fuerunt , ex Africa quam  
rexerant AFricani cognominati , pater & filius ;  
vterque Senatui Populoque Romano gratissimus ,  
contra Maximini tyrannidem ad imperium euectus  
est . At infelicissima morte obierunt , siquidem alter  
gladio alter laqueo vitam finiit . Illorum nummi  
sunt rarissimi ex quo quis metallo : argentei supra  
æreos , aurei supra ceteros . Quod iisdem vni sunt  
& prænominibus & dignitatibus , vix à se inuicem  
dignosci queunt : priorem tamen ad patrem ,  
alterum ad filium spectare suspicamur .



PHILIPPVM hunc tradunt Christianum fuisse. In eius honorem hosce duos nummos scalpi curauimus, magna & tamen simplicissima inscriptione insignitos. PAX FVNDATA CVM PERSIS in primo cernitur, in alio SPES FELICITATIS ORBIS, nihil Principe Christiano dignius. Scopum videtur attigisse alio nummo in quo FELICITAS ORBIS: sed quòd ita frequenter occurrat, sponte omisimus.



Nummus hic tūm Imperatore tūm inscriptione spectabilis est, P. CORN. SAL. VALERIANVS CÆSAR Gallieni filius: Eius numismata à Valeriani junioris nummis differre declarauiimus, cùm egimus *De nummis Impp. Romanorum ex ære mediocri.*

DII NVTRITOES elegantissimè hic scribuntur & Iupiter & Gallienus; huic Victoriam alter præbet, quâ contra hostes P. R. usus est, & contra Tyrannos

## THESAVRVS


seu imperium ambientes. Cæterum tum *Dij Patry,*  
tum *Dij Genitales,* tum *DII AVSPICES* in nummis  
leguntur , at hoc excepto nusquam quod sciamus  
**DII NVTRITORES.**



Ex maiori modulo quicunque occurunt nummi rari sunt ; ii præcipue qui sunt argentei. Inter eos non ignobilem locum tenet magnus hic Gallieni nummus , cum tribus Monetis , ex auro scilicet , argento & ære. Is erat Valeriani filius non minus per infelicitatem parentis notus quam per sui ipsius meritum.



Eius vxor **SALONINA** sub habitu Romæ cernitur , exiguæ victoriæ simulachrum Gallieno viro suo tradens , post deuictos scilicet & oppressos plures Tyrannos : At non omnes oppressi sunt.



Vtrosque Postumos exhibent hi nummi. Parens in primo se veluti PACATOREM ORBIS sub specie Solis nuncupat. Rarum eius nummum ex auro supra vulgauimus pag. 13.

Vtriusque facies in altero cernuntur, ambæ seniles cum typo eximio. Cerberum ab inferis educere videtur HERCVLES IMMORTALIS, cuius personam in terris sustinere gloriatus est Postumus. Testes sunt eius nummi, in quibus legitur HERCVLI DEVSONIENS, HERCVLI MACVSANO. De his dictum *in nostris nummis ex ære mediocri*. Cæterū istius fabulæ quæ apud antiquos ita trita est de tricipiti illo cane, meniinit ingeniosus Palæphatus, rem ad historiam traducens: quippe cùm ille Cerberus canis fuerit Geryonis bobus coercendis, quem ex antro in quo latitabat Hercules abduxit.




Aurel.  
victor.

Tyrannorum ferè omnium nummi rari sunt ;  
causa est in promptu, & quod citò fuerunt oppressi,  
& quod victores eorum memoriam delere conati  
sunt, quæ nummis perpetuari potuerat. Per Tyrannos  
autem caue ne malos Principes hīc intelligas , ij  
consentur quibus aliena victoria hunc indidit  
titulum : Victo Tyranni , vincenti Imperatoris erat  
nomén , sicut & omnia. AELIANVS qui hunc  
nummum percussit temporibus Gallieni oppressus est  
*apud Moguntiacum.*



Irebel.  
Poltio.

Capto à Persis Valeriano , socordiam Gallieni  
suspicientes exercitus , MACRIANVM ad imperium  
euexere, cum duobus filiis Macriano & Quieto.  
Nummum hīc habemus Macriani filij , id enim  
denotat iuuenilis ætas , cum pater ante susceptum  
imperium se senem dixerit. Vterque in Illyrico  
victus est & imperfectus ab Aureolo.



De PROBO diximus satis in nummi aurei expositione, pag. 14. Spectanda venit hæc insignis ADLOCVTIO, quæ omni ex parte nummum hunc commendat; addas quod magni sit moduli & summæ existantia.



DIOCLETIANVS ille est vir fortissimus *ob Aurel.*  
*sapientiam delectus* qui nisi in Christianos saeuisset,  
tot gestis rebus gloriosis, maiorem adhuc sibi  
famam conciliasset. Eum abdicasse imperium  
nemo non nouit. Suam Iovi TUTATORI  
deuotionem patefacit, qui sic dictus est quasi  
Imperatores haberet in tutela.

Sequentis nummi inscriptio notabilis est,  
cum huic typo est coniuncta: ut enim in numinis

Antonini, fulmen PROVIDENTIAM DEORVM significat, quo gigantes aut impios obruere possent; sic castra, sic munimenta, sic fides militum & concordia Augustorum, quæ in hoc nummo cernuntur, PROVIDENTIAM exhibent Imperatoris, quibus quoscunque hostes possit expugnare & superare.



CARAVSIUS occupare tentauit imperium, & Britanniam per sexennium tenuit. Dolosè ab Allecto tandem oppressus est : qui paulo post pœnas luit: Eius nummi omnes rari sunt, & hic præcipue qui est argenteus, cùm illis temporibus moneta ex adulteratis metallis conflarentur : Mixtam illam metallorum molem ex ære & argento Galli Billon vocant.



Hunc nummum THEODORÆ pertinere arbitramur ad alteram Constantij Chlori vxorem, filiam Maximiani. ob quam repudiata est Helena. Repugnant amici quidam mei eam Iustiniani

vxorem censem: At huic nummo FL. MAXimiana inscribitur. Dicunt Iustiniani vxorem Theodoram PIETATEM ROMANAM signasse, quod ipsa maritum monuerit, & ab insidiis liberauerit. Id etiam Theodorae Constantij conuenire potest. Quinarios vocant Antiquarij istos nummos qui dimidii denarij pondus non superant: Iste est eius generis, & ex argento puro.



CONSTANTIVS Magni Constantini filius fuit. Illius aliquot nummos exhibemus ex argento, quorum exactam magnitudinem scalpi curauimus illustris est profecto titulus iste, TRIUMFATOR GENT IVM BARBARARVM, illustre labarum, quod in eorum nummis frequenter occurrit. De eo abunde diximus in libro *De nummis ex are mediocri*.

## THESAVRVS



Coniectura est eosdem Constanti dicatos esse nummos, quam fratri Constantio: Hi duo sint pro omnibus satis per se noti sunt.



Scenam claudet EUGENIVS, qui *Litterarum latinarum Doctor*, Arbogaste promouente, post occisum Gratianum Gallias occupauit, & Augusti nomen & dignitatem arripuit; paulò post oppressus est à Theodosio, capite mulctatus; & Tyrannus habitus. Eius nummi sunt rarissimi.



## CAPVT V.

# DE NVMMIS ÆREIS

Ex maximo modulo.

**T**ot & tanta in hac numismatum specie continentur, ut illa nullo raritatis habito respectu, quæ tamen ei supra cæteras summa inest, primum inter res antiquas mereretur locum. Quòd mole & magnitudine Romanas superent monetas, id gallicè nomen indidit MEDAILLONS, ab Italis deductum. Eorum numerum quis definiret? Compertum tamen habemus Serenissimam Reginam Christianam fecè ducentos varios istius sortis possidere, quos summo labore, summaque felicitate (vtrumque enim requiritur) adquisiuerat Illustris Gottifredus. Quot insuper possideat Rex noster Christianissimus, ex eo intelligi potest, quòd Serenissimo eius Patruo Gastoni, neque in conquirendis diligentia defuit,

neque in acquirendis liberalitas. Exiguam ne putas Ill. Abbatis Seguini sedulitatem , qui huius speciei nummos tot penes se coegerat , quot vllus ante eum Gallus , idque vt venustissimo corpori caput imponeret nobilissimum , resque omni ex parte pretiosas, pretiosiores efficeret & in LVDOVICI XIV. manus pretiosissimas refunderet. Quod nos supra modum delectat , facit ineffabilis Illustrissimi Colberti cura. Qui postquam se totum Regi regnique rationibus tradidit , id suarum esse partium censet, his thesauris amplificandis , nulla negligere studia : hæcque vt magis magisque promoueat , nulli parcit æri , tum in erigendis ad usum tam magnificum palatijs , tum quo viros alliciat in hac eruditionis parte , Regis regnique & suæ gloriæ suffragatuos. Quanto amore Augustissimus Imp. LEOPOLDVS istis æui prisci pignoribus delectetur , testis & ipse sum : testes sunt omnibus cimelarchia eius superbissima , Vindobonæ , Oeniponti , Pragæ. Summis certè Principibus digna est hæc supplex & ijs solis digna : utpote quæ doctæ curiositatis omnem adimpler paginam. Rarissima quæ hic habemus exemplaria publici iuris lubentissimè facimus , quæ neque per temporis angustias, neque per tenuitatem ad amissim licet explicare. Copiam relinquimus facundioribus , fide nostrâ primùm datâ , nos non nisi res antiquas scalpi curasse , neque yllos in nummis characteres mutasse.



In honorem Senatus Romani cusum est hoc monumentum. Quò venerabilior ab omnibus censeretur, SACRI cognomen à Græcis adulantibus ei inditum est : cuius quidem dignitatis siue cognominis duodecim exempla à diuersis populis signata curauimus scalpi in libro *De nummis ex ære mediocri*.

THYATIRENI ET SMYRNÆI vicini Asiacæ minoris populi, vñanimi consensu nummum cuderunt. Illi sub habitu Dææ signantur : Caput cingunt turres in coronæ formam, quibus vel Vrbes ipsæ vel Genij vrbium fingeabantur. Smyrnæi frequenter occurrunt in antiquis numismatibus sub habitu viri clipeum tenentis & bipennem : coniectura est sub eo latere Amazonem quæ Smyrnæ nomen dedit : Σμύρνα δὲ λῦ Αμάζων αὐθὸν τὸ ὄνομα lib. 14. Καὶ τοῖς αὐθρώποις Καὶ τὴν πόλιν, inquit Strabo. Vtraque autem figura simulachrum habet præ manibus, arâ intermediâ.



Elegantissimum hoc numisma à TEMENOTHVRITIS cusum est , curante NICOMACHO SACRORVM PRÆFECTO. Egregiam repræsentat fabulam, quam in cæteris nummis vidisse nunquam contigit. *Aues Stymphalides in insula Martis quæ emisis pennis suis iaculabantur sagittis Hercules interfecit*, inquit Hyginus. Rem fusius declarat

*Fabula 30.*

*De Deor.  
origine lib.2.*

Apollodorus his verbis , *Eurystheus sextum Herculi laborem ut Stymphalidas aues fugaret, iniunxit. Erat autem ad Stymphalum Arcadiæ urbem Stymphalis palus multis contexta arboribus addensata , quare in banc magna avium multitudo , luporum vim pertinacientes ex fuga sese recipiebant : Herculi itaque quanam ratione aues è silua depelleret ambigenti , Pallas ænea crepitacula Volcani munera accepta dedit : hac ille quassans sub monte quodam paludi proximo aues territabat , quæ sonitum minimè sustinentes, præ metu subuolabant ; eumque in modum*

*Hercules ipsas sagittis impetiuit.* Alii tradunt illas *Nat. Com.  
Mytholog.  
lib. 7.* tinnitu exterritas, ex Arcadia in insulam Aretiam conuolasse, deinde in Arabiam. Memoriæ prodidit Timegetas, Stymphalides illas quæ repulsæ fuerunt ab Hercule, alas & rostra & vngues habuisse ferreas quas modo Κιδηγπλέγους ferreis alis scilicet, modo Κιδηγόνυχας, hoc est vnguis ferreis, modo Κιδηγεύγυχας rostris ferreis, nominauit. Iibus Ægyptiis erant persimiles sed rostro rectiore atque validiore, & corpore multo maiore.

Hæc omnia nummus ni fallor, exhibit; Vna ex Stymphalidibus signata est, quæ etsi fugiens pennam instar sagittæ vibrare videtur in Herculem; hic nonnisi lœuâ armatus aut potius exuuiis leonis pro more ornatus fingitur, crepitaculum dextrâ tenens terribili edendo sono. Columnæ imposita est statua Palladis, cuius ope patratum fuerat facinus. Dicendum superest cur talem fabulam sibi elegerint Temenothuritæ; at adhuc per me supererit, ingenuè enim fateor me nescire.



Prosperè adueniet qui horumue nummorum  
soluet ænigmata. Sedet mulier quædam habitu  
Reginæ; sceptrum enim habet in lœua, summiæ  
potentiae symbolum: caput eius turribus insignitum  
est. Hinc inde adstant & vir & mulier, ille  
bipennem tenet prorsus ut in Smyrnæorum nummis;  
hæc quæ turritum etiam habet caput, lauream  
imponit capiti Reginæ sedentis. Infra cernuntur  
quatuor fabulosa monstra, quibus Chymeræ vel  
Sphinges repræsentantur, virgineas habent facies,  
alas, pecudumque pedes. Sub folio decumbentes

videntur duæ figuræ quæ cùm arundines teneant,  
ad duos fluuios referri possunt.


Nostram in coniicendo agnoscimus tenuitatem, cùm præsertim idem ipse typus & monstrosis Diis nimirum Ægyptiis coniunctus sit, & capiti Alexandri Magni. Tanta istius expositionis auiditate tenemur, vt lubenter rem pro vmbra desereremus, explicationemq; nummorum ipsis antiquis nummis, quamuis maximi pretij, compensaremus.



Alterum numimum eiusdem Alexandri Magni proponimus, characteribus latinis insignitum, qui non eum in Græcia fuisse cusum arguunt. Cætera non constant. An Alexander Seuerus Imperator eo monumento Alexandrum Macedonem celebrauerit, incertum. Sabinæ autem quæ hic raptæ iuxta Obeliscos perspiciuntur, Romanorum originem declarant. Eundem typum in aliis Impp. Roman. nummis obseruauimus.



Raros esse omnes ex ære maiori nummos qui Tiberij facie sunt insigniti , norunt omnes : & suo dispendio qui nummos emunt : Rariores multo sunt qui ex ære maximo seu maximi moduli. Inter illos hic ærugine viridi obductus , qualem Itali vocant *la patina verde*, non minimi est momenti. Typus quidem occurrit etiam in ære magno , at hic longè est pretiosior.



A vero fortassis non aberramus, cum hunc Claudij nummum inter antiquos reponimus. Hunc ipsum esse arbitror, quem Cl. Occo pulcherrimum & rarissimum describit ex Alberti Bauariæ Principis cimeliarchio. Terret nos tamen tanta linearum series quam ex marmoribus antiquis decerpitam quispiam facile posset iudicare. Metallum deinde flauum ut Corinthiacum, nos in aliquam nouitatis trahit suspicionem: qualis ponderis sit ea inscriptio iudicet qui eam legerint. Ea fere similis legitur Romæ in porta Nævia, quam Maiores nunc appellant.

TI. CLAVDIVS DRVSI F. CÆSAR AVGUSTVS  
 GERMANICVS PONTIF. MAXIM. TR. POT.  
 COS. V. IMP. XVII. S.P.Q.R. P.P.  
 AQVAS CLAVDIAM EX FONTIBVS  
 QVI VOCABANTVR  
 CÆRVLEVS ET CVRTIUS A MILLIARIO XXXV.  
 ITEM ANIENEM NOVAM A MILLIARIO LXII.  
 SVA IMPENSA IN VRBEM PERDVENDAM  
 CVRAVIT.

Gruter.  
inscript.  
p. 176.



Duos hosce Traiani nummos ex iis esse quos Itali *Contourniatos* vocant, scalptura quidem docet, at hi mole illos superant. Primus quidem est egregius. In eo Deus sedens qui fortassis est Iupiter Ammon proboscide ornatus, Palladis simulachrum sinistrâ tenet: coram ipso fulcrum est cui impositus clipeus orbem indicans. In eo duodecim Zodiaci signia spectantur: quæ omnia illustrant maiora mundi lumina in medio collocata: Sol ex radiis cognoscitur, Luna ex cornibus. Traianum Ioui comparabant adulantes Ægyptij, Imperatori suo

idem tribuentes officium quod Jupiter in cœlis suscepserat, summum nempe moderamen. Palladem ad Plotinam referri verisimile est.

Alter Athletam exhibit cuius nomen in nummo scriptum est, EVTHYMIVS patria Locri Lib. 6. in Italia: qualis ille fuerit docet Pausanias: *Is duello vicit Temesum Demonem, quō puellam seruauit victimam ei destinatam; illam uxorem postera duxit, &c.* Fortitudinis istud exemplum Imperatoribus Romanis proponunt nummi, aut ad magna illos excitantes, aut illos fortissimis Athletis comparantes.

Nummos vulgabimus in sexto capite eiusdem EVTHYMI in curru veluti triumphantis, tūm Neroni tūm Traiano dicatos. Non ineptum erat apud Antiquos, eosdem typos diuersis Imperatoribus applicare, quod ex nostris nummis patet.



Nummorum Romanorum sériem illustrant etiam aliorum monumenta, quorum hic habes duo illustrissima exemplaria. Antinoum repræsentant cum titulis & Herois & Dei : illum in deliciis habuerat Hadrianus : quem omni fauore viuum est prosequutus , mortuum diuinis honoribus affecit. Vtrumque vulgauit Cl. Tristanus, Stradæ Occoneim præferens ita inscriptionem nummi legentem **H ΠΑΤΡΙC ANTINOON ΘΕΟΝ**, sic enim manifestè hic noster. Auersam partem Mercurium vt videtur ex talaribus , exprimit , seu Antinoum sub Mercurij habitu , facies enim huic conuenit. Stella autem & inscriptio si adfuerint , erosæ sunt. Legit quidem Cl. Tristanus **B E I Θ Y N I E Ω N A Δ P I A N Ω N**, sed malo truncatum exponere nummum quam aliquid supposuisse videri.



Alter ita est integer ut nihil in eo desideretur, summâ scalptoris peritiâ illum vtrò commendante. Polemonem in nummo scriptum eum esse certum est, qui gratia Traiani primùm, deinde Hadriani pollens, plurima Smyrnæis priuilegia eorum autoritate contulit: tempora enim & res conueniunt. Superbum istum Philostratus describit, qui cum Smyrnæis vt superior, cum Hadriano non inferior, seldem. cum Dijs æqualis ageret. Eius fit mentio in marmoribus Arundelianis Antonium nominantibus: famosissimus Sophista fuerat & eloquentissimus. Bos videtur referre simulachrum in honorem Antinoi apud Smyrnæos à Philemone positum.



Molis amplissimæ est iste nummus, in quo Vulcanus fulgor petenti Palladi tradit : sedens malleum adhuc tenet iuxta incudem cui imposita *M. lib. 8.* est galea. Id finixerat primùm Homerus in Achillis gratiam, quod deinde pluribus Imp. attributum est. Fabulæ causam declarat Cassiodorus. *Enses* *xlib. 5. ep. 1.* qui pulchritudine sui putentur esse Vulcani, qui tantâ elegantiâ fabrilia visus est excolere, ut quod eius manibus formabatur, non opus mortalium sed crederetur esse diuinum. Antoninus autem nummum ex argento & ex ære cudi curauit, in quo fulgor scalptum est, cum hac epigraphe PROVIDENTIA DEORVM: siue itaque alludat ad fabulam tanquam id à Dijs receperit, siue se debellandis hostibus non defuturum promittat, certè nummus iste est insignis tum typo, tum integritate.



ANTONINVS PIUS tertio anno imperij sui Faustinam vxorem perdidit, quæ à Senatu consecrata est, delatis Circensibus, atque templo & flaminicis & statuis aureis atque argenteis, cùm etiam ipse id concesserit, ut imago eius cunctis Circensibus poneretur: statuam auream delatam à Senatu positam suscepit. Hæc Iulius Capitolinus, quæ nummum nostrum satis explicant. Ei mortuæ & inter Diuos relatæ, quod & DIVÆ nomine probatur & quod orbi stellato insideat, Antoninus exiguum Victoriae simulachrum offert eius capiti lauream imponentis: fortassis istius formæ erat statua à senatu posita: ut vt sit, res satis clara est, quæ celebrat honores vxori mortuæ delatos ab Imperatore optimo.



M. AVRELII & FAUSTINÆ eius coniugis  
hîc cernuntur facies : sic plurimæ Augustæ marito-  
rum faciebus in nummis coniunctæ sunt, indicandæ  
Leg. vlt. Cod.  
de repudijs. dignitati & concordia. Illum plerumque vocant  
Philosophum, legitur in textu græco φιλόσοφω' Αὐρελίου.  
Nihil quidquam esse dicebat quod imperium  
Romanum magis commendaret gentibus quam  
clementia ; eaque de causa , neque quidem in  
rebelles suos sœvitum voluit. Vxoris vitia ita tulit  
Iulius Capit. vt nec ea curiosius inuestigaret , nec puniret. De  
ea cum diceretur Marco ut repudiaret si non  
occideret , dixisse fertur , si uxorem dimittimus ,  
reddamus & dotem. Dos . autem quid erat nisi  
imperium.



Æsculapius, Hygiæa & Telesphorus frequenter occurunt in nummis, præcipiè dum ex aliquo graui periculo liberati essent Imperatores, quorum vices supplere videbantur populi gratias recuperatae valitudinis Dijs propitijs rependentes. Hoc officio funguntur hic Nicæenses & Pergameni post restitutam Vero salutem, quam ope Galeni nostri reparatam fuisse, compertum habemus: Iidem nummos simili typo insignitos, in honorem Antonini Pij percusserant, de quibus ut de serpentibus, plura diximus in libro *De nummis ex ære mediocri*



In honorem Dearum Hygiæ & Salutis cusus est primus hic nummus. Elegantem & insolitum typum explicauit in suis M. Aurelij commentarijs Cl. Tristanus. Nummum non minus commendat integritas & raritas.

In altero Iupiter sedet ; ex habitu dignoscitur & aquilâ ad pedes. Hinc inde stant eius ex Leda filij Castor & Pollux , Dij Romanis propitij , frænis equos tenentes : eorum pileis, pro more, stellæ sunt appositæ : De ijs plura passim.



Duos istos nummos sic explicat Capitolinus,  
*Appellatus est Commodus etiam BRITANNICVS ab adulatoribus, cum Britanni etiam Imperatorem, contra eum diligere voluerint. Istius tamen prouinciae tanquam à se deuictæ trophæum sic exhibet, iuxta Victoriam armis Barbarorum insidentem, quæ VICToriam BRITannicam in clipeo designat. Fuit præterea illâ dementiâ, ut Urbem Romam Coloniam capitol. Commodianam vocari voluerit, qui furor dicitur ei inter delinimenta Marciaæ iniectus. Se istius coloniæ fundatorem per appositos boues declarat.*



Vulcanum sedentem galeant conficētem  
alloqui videtur Pallas stans, quasi illius fabricam  
sollicitaret : Thetis apud Homerum à Vulcano  
impertrauerat arma quæ vel telis vel omnibus huius  
generis essent impenetrabilia. Faustina hic sub  
habitu Palladis suo Vito idem etiam præstare  
singitur officium, quod olim Thetis filio Achilli.

Sacrificium num̄us alter exhibit pulcherrimum:  
In eo suspiciuntur Imperator, Sacrificuli, Victimarij,  
Pop̄x, victima, ara, templum, innumeri spectatores:  
quid sacrificio peragendo vltra requiritur?



De Sidetensibus dicetur in eiusdem Albini nummo ex ære magno : Ænigma soluere nobis esset pergratum. Tres figuræ sunt basibus impositæ, ita ut potius statuas arbitremur quam viuentium simulachra ; sic enim moris erat apud antiquos. Quæ medium obtinet locum , virum repræsentat, coronam videtur imponere ei quæ ad dextram est quam Miueruam esse suspicamur : quæ ad sinistram collocata est, virilem repræsentat figuram, vestibus ornatam militaribus : Martem perpetuò sic pingebant. Extremæ hæ duæ figuræ in his conueniunt quod ambæ sint inferioribus basibus impositæ , lanceam quæque teneant , & exiguum Victoriæ simulachrum figuræ isti quæ in medio est , offerant. An hæc Albinum ipsum repræsentet ? cui opem ferre Dij pollicentur : verisimile est.



Seueri binos nummos habes eximiæ raritatis. Bacchum primus repræsentat, vinum è cantharo dextrâ fundentem , vuas sinistrâ tenentem , quid Baccho dignius ? Tigris quæ quod Baccho sacra sit ebria dicitur, illum comitatur: THIΩN nomen indicat populum qui nummum percussit ; is est in Ionia. Obseruandum est coram Seueri facie appositam esse icunculam muliebrem, qualis sit, plane ignoramus.

Tot characteres peruersa quadam æragine  
detriti præclarum ænigma nobis eripiunt in secundo  
nummo. Vestigia supersunt satis spectanda. Tarsi quæ  
Ciliciæ metropolis est nummum cusum esse docent.

Tres figuræ muliebres stantes capitibus turritis coronas imponunt alij sedenti , quas minores vrbes interpretamur primariæ inseruientes. Ad gloriam incliti Argentorati dicendum, rarum hunc nummum ex eius propugnaculorum fundamentis erutum esse, cum pluribus alijs , vt de vrnis , lichnis , sepulchris, aliisque antiquis signis taceam, quæ omnia etiam in nostris rebus , vrbem commendant.



Perinthij bis Neocori seu Præfecti ludorum hosce nummos in honorem Caracallæ cudi curauerunt : ludos Actios Pythios indicat postremus, quos doctissimè explicauit Cl. Tristanus.



LIB. 78.

Pergameni tertium Neocori hunc nummum  
vulgauerunt in laudem benefactoris Caracallæ. *Is*  
*enim*, Dione teste, *plurima bona tum in eos, tum*  
*in Iouis templum congesserat*, quæ omnia paulo  
post per Macrinum direpta sunt. Cl. Tristanus qui  
eundem fere typum describit, tria tempora coniicit  
esse in honorem Iouis, Æsculapij & Hygiææ, quod  
noster numimus non comprobatur. Nulla enim  
horum Deorum statua in templorum meditulliis  
cernitur, armati enim sunt, quod neutri illorum  
conuenit. Firmat ille conjecturam hisce characte-  
ribus Δ. N. in peristilio collocatis quos Διός Ναὸς  
interpretatur *Iouis templum*: neque id si verum esset  
cætera comprobare posset, neque id verum est. In  
Peristylijs enim aliquid & diuersum legitur: in  
primo quidem AVP. quod per AVRELIVM  
interpreteror, in altero AN. per ANTONINV M,  
in tertio Σ E B. per AVG VST V M; quæ

omnia & nomen Caracallæ & summam eius dignitatem indicant. Sed in eo laudandus Tristanus, quod non longè à recto aberrauerit ; quām enim parūm differt hæc inscriptio Δ N ab hoc A N præcipuè in eo nummo quem fortassis non licuit integrum intueri , quemadmodum nobis contigit. In templorum apicibus coronæ manifestissimè conspiciuntur , seu Dijs dicatæ fuerint , seu ipsi Imperatori. Primatum Asiæ hic sibi vindicant Pergameni , quo etiam Smyrnæi & Ephesij potiebantur , quod rariorem nummum efficit. Maxima enim hac de re inter eos disceptatio fuerat , quæ omnium bono composita est , cùm scilicet hi tres populi , supra cæteros Græcos primi dicerentur absque cuiuscunque inuidia. ΑΤΤΑΛΟΥ, ΑΤΤΑΛΙ quasi Præfecti aut Pergamenorum aut Sacrorum hic nummus facit mentionem : plura dignosceremus si eos qui in margine nummi scripti erant , characteres ærugine corruptos integrior repararet.



Hercules cernitur suâ clauâ Diomedis equos conficiens. De isto Thraciæ Rege plurima scripta sunt. Ingeniosus Palæphatus fabulam historicè scripsit : Ille , inquit , equos alebat , quibus vel emendis vel pascendis tantam pecuniæ vim impendit ut rem suam dilapidauerit ; quare equos Diomedis sanguiniuoros aut carne humana nutritos vulgauerunt antiqui Scriptores. Commodum habemus in ære mediocri simili ferè typo : simili etiam Antoninum vulgauit Cl. Tristanus, si virum & hydram excipias: cætera eodem habitu : nummus hic est illustrior ob inscriptionem ΦΙΛΑΔΕΛΦΕΩΝ ΠΕΡΙΝΘΙΩΝ ΝΕΩΚΟΡΩΝ ΦΙΛΑДЕΛΦΗΝΣΙΒ ΠΕΡΙΝΘΙΟΡVM ΝΕΟCORORVM. Deinde Getæ nummi longè Caracallæ rariores.



Optimus Princeps ALEXANDER SEVERVS  
dignum profecto sui regiminis habet monumentum  
in hoc amplissimo numismate : Sic terras feliciter  
regere videtur , ut Iupiter cœlum . Hic inter Solem  
& Lunam collocatus est , & aquam & terram ,  
velut inter quatuor elementa : sicut ille radijs hæc  
cornu duplici dignoscitur : Terra per cornucopiæ ,  
Aqua per proram nauis innotescit : Circunstant ad  
marginem duodecim signa cœlestia scilicet Aries ,  
Taurus , Gemini , Cancer , Leo , Virgo , Libra ,  
Scorpius , Sagittarius , Capricornus , Aquarius , Pisces .  
Certè illa signa etiam in alijs nummis visuntur , at  
in hoc longè illustrius . Charæcteres à solitis Græcis  
differunt & quoad formam & quoad coniunctio-  
nem : Perinthios bis Neocoros Iōnos indicant ,  
ΠΕΡΙΝΘΙΩΝ Β. ΝΕΩΚΟΡΩΝ-ΙΩΝΩΝ.

Q




Seuerus Alexander in vtroque nummo cernitur sub habitu Alexandri Magni, cum exuuijs leonis Macedoniae Reges ornantibus. De eius cum Alexandro Magno necessitudine plura scripsit Lampridius, ex quibus haec collegimus. *Hic ea die in Alexand. natus est qua defunctus vitâ Magnus Alexander Seuer.* dicitur, & eius nomen accepit. Nutrix ei Olympias data est, quo nomine mater Alexandri appellata est. Nutritor Philippus prouenit casu unus ex rusticis, quod nomen Patri Alexandri Magni fuit. Legit & vitam Alexandri quem præcipue imitatus est, et si in eo condemnabat ebrietatem & crudelitatem in amicos. Libenter audiuit si quis ei recitauit Alexandri Magni laudes aut meliorum retrò Principum aut magnorum urbis Rome Virorum. Agoni præsedit & maximè Herculeo in honorem Magni Alexandri. Reseruabat in mensa unum poculum quod amicis exhibebat in honorem Alexandri Magni. Alexandrum vero Magnum inter Diuos & optimos in Larario maiore consecravit.

Etiam in ipso reprehensum est quod se Magnum Alexandrum videri voluerit. Quæ omnia hos nummos illustrant in quibus Circus & Scylla exhibentur quales Traiani nummi repræsentant. Quod ad Circum attinet, audi Lampridium: *Lenonum meretricum & excoletorum vectigal in sacrum ærarium inferri vetuerat Alexander, sed sumptibus publicis ad instaurationem CIRCI, theatri, amphitheatri & erarij designauit.*



Magnetensium ludos describit rarus hic nūus, per Cabiros in honorem matris Deūm saltantes. De illorum cultu frequenter disserit Pausanias. Cabyri seu Corybantes armati circum aram saltabant: Eorum mysterijs nullus primūm initia batur nisi qui cædem aliquam patrauisset, ab eo ducta religione, quòd è tribus Cabyris duo fratres tertium interemerant. Cæterum sacratissimus erat apud Paganos eorum cultus.




Tarsi scalptus est hic nummus qui non indicat Pupienum, sed Pupenium: sic enim characteres antiqui ΠΟΥΠΙΗΝΙΟC. Obseruat Capitolinus illum apud Græcos non facile Pupienum & apud Latinos non facile Maximum inueniri, quod nummum illustrat. Qui fabri ferrarij filius fuerat per militiæ ferè vniuersæ gradus ad summum imperij apicem peruenit: *Militaris tribunus, Prætor, Proconsul Bithyniaæ et deinceps Græciae ac tertio Narbone: Legatus in Sarmatas, deinde in Germanos, res ubique feliciter gesit,* inquit Capitolinus. Memores Græci beneficiorum à Pupieno acceptorum, cùm eorum esset Proconsul, *is enim erat iustus, neque unquam usque ad exitum negotiorum vel inhumanus vel inclemens,* illum Imperatorem factum raro hoc nummo condecorauerunt. A M. K. Amaniciam Ciliciam declarant.



GORDIANVS tertius primū à populo Cæsar dictus est , deinde à Senatu , tandem à militibus Augustus factus est , post imperfectos Pupienum & Balbinum . COL. VIM. A N T I . legitur circum fæminam inter leonem & bouem stantem . Viminatium autem Mœsiæ superioris oppidum , de quo diximus in libro *de nummis ex ære mediocri* . Gordiani autem sepulchro in Persiæ finibus hoc erat inscriptum .

DIVO GORDIANO  
VICTORI PERSARVM, VICTORI GOTHORVM,  
VICTORI SARMATARVM,  
DEPVLSORI ROMANARVM SEDITIONVM,  
VICTORI GERMANORVM,  
SED NON VICTORI PHILIPPORVM.



In Gord.
 Tarsus Ciliciæ metropolis plures edidit nummos ex maximo modulo ; hæc in vitroque legitur. Duplex ΠΠ quod pone & retro caput occurrit, finem facit inscriptionis quæ hic tota est ΑΥΤΟΚΛΗΩΡ Καῖσαρ ΑΝΤΟVΙC ΓΟΡΔΙΑΝΟC ΣΕΒΑΣC Παληνή ΠαλενδC Imperator Cæsar Antoninus Gordianus Pater Patriæ. In altero quidem non ANT. quod Antoninum designat sed ANTONIQC : utrumque agnomen fuisse Gordianorum scribit Capitolinus. Victoria coronam & palmam tenens, eam designat quam de Persis obtinuit. Venit ille per Syriam in Antiochiam , quæ à Persis iam tenebatur , illic frequentibus prælijs pugnauit & vicit. Nullum dubium quin vicini Tarsences gratum animum erga Imperatorem hocce nummo testati sint , vt & sequenti , in quo Diana pro more in curru stat , à bobus vecto .



OTACILIA SEVERA vxor fuit Philippi patris, mater filii : vtrosque eius nummus exhibit cum PIETATIS indicio , hoc est amoris summi , quis enim supra maternum ? Tacendum non est istius typi nummos frequenter extare suppositios,hunc autem esse citra ullam dubitationem antiquissimum.



PHILIPPI iunioris eundem habes fere typum in nummis argenteis. Miles sequitur Imperatorem paludatum, tribus hinc inde affixis signis militaribus, cum assecla milite : Præclarum quidem est illud monumentum, at nullam requirit interpretationem.



TRAIANVS DECIVS in ære maioris moduli frequentior occurrit quam quislibet alter Imperator. FELICITAS SÆCVLI in primo nummo celebratur, ob Decij dotes, vir enim fuit primo Traiano bonitate adæquatus: In altero VICTORIA, quæ primis eius imperii annis fauens, illum demùm deseruit.



Elegantissimus typus HERENNIAM ETRVSCILLAM ornat, quam ad nostra usque tempora qui historiam excerpserant filiam censuerunt Tr. Decij, vxorem

Volusiani. Id mendosum conuincitur ex num̄o Decij & Etruscillæ facies auersas exponente, de quo elegantem epistolam Jll. Falconerio Romano conscripsit Jll. Seguinus noster. Sedet Augusta inter Prudentiam & Concordiam, quasi absque inscriptione indicaret PUDICITIAM suam oriri à prudentia & concordia : id satis intelligunt probæ mulieres. *Mulieris enim virtus propriè Pudicitia est*, inquit <sup>Lib. I. contra Iouinian.</sup> D. Hyeronimus. Sed & apud Ethnicos maximè celebrabatur, teste Val. Maximo his verbis, *Vnde* <sup>Lib. 9. hist. 1.</sup> *Tē virorum pariter & feminarum præcipuum firmamentum Pudicitia inuocem.* Statuas in eius honorem plurimas commemorant antiqui: Aras eius exponit nummus supra scalptus pag. 9. templi facit mentionem Pausanias;

*Templa Pudicitiae quid opus statuisse puellis,*

*Si cuiuis nuptæ quidlibet esse licet.*

*Prob. l. 2.  
Eleg. 6.*



**C**LAVDI<sup>II</sup> Gothicī nummos in ære minimo frequentissimè occurrere norunt omnes qui antiquis nummis curam dant: In ære magno & maximo aliter se res habet. A Postumi temporibus pauci supersunt magnæ molis, cuius causam siue ad incuriam artificum referas siue ad istius sæculi paupertatem, per me licet. De Claudio satis diximus in Libro *De nummis ex ære mediocri.*



**D**e PROBO satis dictum est in nummis aureis pag. 14. Moneta triplex aurum, argentum & æs indicat. Nummus hic & integerrimus & summæ extantiae videtur antiquitus auro & argento obductus, quorum supersunt egregia vestigia.



Tres Monetas pro typo sibi habet etiam Diocletianus. Eum arbitror ita frequenter iteratum fuisse, quò noscerent populi, Imperatores hosce penes quos solos ius erat monetæ cudendæ, exactam legem, pondus & metallum seruare.



Absoluemus nummos ex maiori modulo per eam VICTORIAM Constantij nummo insculptam,  
VOTA DECENNALIA clipeo inscribentem.



Appendicis instar erit iste nummus, quem  
quamvis integerrimum & antiquissimum vix  
explicare possumus. **SALVSTI VS AVTOR** in eo  
designatur; quem tamen scriptorem belli Iugurthini  
interpretari non audemus: obscuritatem adauget  
id quod in auersa parte cernitur: suspicatus est  
quidem meus Amicus tres Gratias, sed quid hæ  
cum Sallustio: deinde viriles togæ videntur ab  
Consularibus non plurimùm absimiles. Exponat  
felicior Oedipus. Scribit On. Panninius Leontium &  
**Salustium Coss.** fuisse anno **M X C V I I.** imperantibus  
Constantino iuniore, Constantio & Constante; ad  
illum arbitratur pertinere hunc nummum. Ætas  
quidem & scalpendi modus congruunt, cætera  
autem sunt incerta.



## CAPVT VI.

# DE NUMMIS IMPERATORVM ROMANORVM

## EX AERE MAGNO.



aximas supra ceteras numimorum antiquorum series ex ære magno parari , nemo est qui ambigat ; quippe cum eorum numerus duo millia supereret . Patres de ijs cuendis decernebant , quod dignoscitur ex fere semper appositis his characteribus S. C. quasi nonnisi per Senatus - Consultum percuti deberent . Republicâ demum in vnius potestate transmissâ & ius monetæ cudendæ delatum est . Inanis tunc temporis Trium Virorum Monetalium autoritas nisi

quæ ab Imperatoribus penderet , quorum effigies & symbola pro eorum nutu & iussu signabant. Hunc honorem tam audiē ambiebant, vt nullus ex Imperatoribus Romanis illi sustinendo defuerit. Evidem ab Augusto ad Heraclium singuli ex ære magno in Curiosorum cimeliarchijs delitescunt ; excipias modo aut Tyrannos habitos , aut paucos, quos temporum ignauia à tali erga posteros commendationem prohibuit. Ex tanta copia animus erat paucos feligere supra cæteros spectabiles : Id autem pluribus quibus rem communicaueram, non satis placuit , inter quos & Principes & Illustres plurimos rerum mearum Patronos numerare liceret : *Tuos, dixerunt, vulgathesauros, nec minoris pretij nec meriti postea futuros : Te qualis es præbeas, antiquitatis non modò studiosum sed et posseforem. Norunt omnes qui in tota Europa has res tractant, Tè nullis operibus aut impensis pepercisse, quare maiorem Curiosis debes numerum quam eum quem polliceris.* Parui tam amicæ compellationi , gloriæque meæ partem in obsequio collocaui. Operam perdidisse non arbitrabor , si bonis hæc grata fuerint. Is enim sum qui cæteros cuiuscunque sint aut fortunæ aut eruditionis parùm curem.



Alexandrum Magnum hic habes : inscriptio docet , sed cur latina est ? omnes enim Macedoniæ nummos Græcis characteribus insignitos fuisse certum est. Opinor posterioribus temporibus , in Italia scalptos esse, qui quo propius ad historiam Alexandri accederent , exuijs leonis ornati sunt , Reges Macedoniæ ab Hercule ortos demonstrantes. In primo stat Alexander iuxta Bucephalum , dexteritatem mirante patre Philippo. Alter exhibet Imperatorem vel Solem in curru stantem. Inscriptio SOLI INVICTO , nummum reuocat ad tempora Constantini M. quibus hæc epigraphe erat familiaris.




Eundem Alexandrum repræsentant hi nummi; sed diademate ornatum & cum ceruicis repandæ ostentatione, qualem feliciter expressisse Lysippum scribit Plutarchus. **S T E F A N V S** Athleta mihi videtur in curru triumphali positus coronam & palmam ex adeptis victorijs reportans. Coniecturæ locus esset summis illis Athletis exemplum illustre proponi Alexandrum Magnum, sed à quo, aut quo tempore incertum est.

Nummus alter iuuenum alatum rupi insidentem exhibit qualem Cupidinem pingunt; sed quid teneat nisi vuam, cur vuam; sanc non est facile adipisci.



A Coiensibus in mari Ægeo tuffi sunt isti duo nummi. Cl. Tristanus vnum Lepido, alterum Augusto tribuit: facies autem ita conueniunt, ut eas vni soli tribuendas esse non dubitem. Lepidi deinde effigies quas habemus in aliis eius nummis, veluti in ÆMILÆ duodecimo, & decimo octauo, has ita referunt, ut aqua aquæ non sit similior. Nomina iis inscripta non satis rem declarant: Goltzius quidem vnius Niciae facit mentionem: ΕΥΚΑΡΠΟC in alio legitur: Eos Coiensium Regulos fuisse facile crederem, qui Lepidi effigiem signauerint: nisi eos ipsos representatos credas: At certe nummi rarissimi habendi sunt.

*In Famili.  
Roman.*



Lib. 4. c. 4.  
 Inflit. Orat. Nummum explicasse videtur Quintilianus, in  
 dictis Cæs. Augusti, Natâ inquit, eius aræ palmâ,  
 Tarragonenses Romanæ legatos misere, gratulaturi  
 quod Victoriae omen atq; æternitatis symbolum palma  
 in eius ara exstisisset. Apparet, respondit ille, quam  
 sapè accendatis. Intellexit nimirum Augustus naſci  
 herbam aut arboris ramos in ara sacrificiis atque  
 ignibus nimis parùm frequentata. Cusum deinde  
 fuisse hunc nummum in eius honorem à Colonia  
 Victrice Togata Tarracone demonstrant characteres:  
 de qua diximus in *Nummis ex ære mediocri*. Iis  
 temporibus eidem Augusto ab iisdem Colonis alter  
 nummus cusus est, qui etiam noster est, cum iisdem  
 quidem characteribus, sed quibus insuper ob eandem  
 causam addita est *ÆTERNITATIS AVGVSTÆ*.  
 Observanda venit inscriptio nummi, quæ non tantum  
 AVGVSTO sed DEO AVGVSTO dicata est; Augustus  
 enim viuus à populis vt Deus habebatur; Templa  
 habuit, aras, Flamines, sacrificia, cœteraque quæ  
 consecrationem indicabant.



Frequenter illud me torsit cur tam pauci extant Augusti nummi ex ære magno, cum ille tam diu regnauerit: Aliud in mentem non venit præter istius temporis mores. Romanos vni seruire coactos, nondum tantæ gloriæ donandæ assuefactos plures in posterorum honorem signauisse, quod inuidiam primis illis temporibus adauxisset.

Primus templum ROMÆ & AVGusto dicatum exhibit, de quo Suetonius, quod etiam pluribus alijs Imperatoribus contigit.

Alter ab Imp. Nerua restitutus est: hic penuria obsistens Augusti faciem cum sua nota cudi curauit.





Rarissimi sunt **cadem** ratione Tiberij nummi:  
De huius auersa parte nihil peculiare occurrit.



Primus hic nummus liberalitatem Tiberij  
celebrat, erga septem Asiac vrbes terræ motu  
collapsas. Eam tanti fecit Titus ut vulgarem illam  
in nummis efficere conatus sit sua restituzione.

*Arab. lib. 13.*  
*Suet, c. 48.*



Patrem & filium exhibet hæc tabella, utrumque  
Optimum Imperatorem. Drusum prior nummus  
sed cum restitutionis notis à Tito signatis.

GERMANICVS in sequenti repræsentatur, corporis famâ & animi bonis, institutioneque præstantissimus, qui sæpenumero cùm imperium adipisci posset, aspernatus est. Veneno extinctus est Antiochiæ, Pisonis fraude, Tiberij artibus, æt. xxxiv. Nullum alium eius nummum ex ære magno videre licuit, quàm hunc qui postea ab eius fratre Claudio Imperatore signatus est: quare eum rarissimum arbitror.




Optimam matrem & pessimum filium hic habes. Illa Agrippæ filia & Iuliæ Augusti, paulo post maritum obijt. De Carpento quod in priore nummo signatum est plura passim apud Autores, præcipue Suetonium.

Sequens nummus qui in Hispania cusus est, C. Caligulam repræsentat. Indicant characteres Coloniam Cæsaream Augustam, quæ parentibus eiusdem Caligulæ Germanico & Agrippinæ suos nummos etiam obtulit, in quibus occurrunt etiam eadem Duum Virorum nomina: hic ex ære magno longè rarer est.



Quatuor hi nummi ita illustres nobis videntur  
ut nullus alter illos superet. Templum Iani  
clusum pacem designat per totum terrarum orbem.  
Congiarium, Principis liberalitatem : DECVRSIO,  
magnificentissima erat tunc temporis exercitatio.  
De PORTu OSTiensi diximus in libro *De nummis  
ex ære mediocri.*



Tres hi priores nummi ad Athletas pertinent, quos totis viribus imitari & superare conabatur Nero. De Eytimio dictum est pag. 105. Circi agendis equis & curribus loci erat destinati, quorum etiam num hodie plurima exstant Romæ vestigia: Lipsius ex recentioribus accuratissimè illos descriptis.

*Admiranda  
Roma.*

Quartum referentes audiuimus ad Herculem in cunis angues suffocantem. Magis placet Hygæam cubantem cum suo serpente ludere. Sanitatis restitutio sic sæpe declaratur in nummis, quæ quòd Æsculapij filia censeretur, à Medico prudente producta, tali habitu ab Antiquis pingebatur.



Similem ferè nummum exponit Cl. Tristanus, comitem  
hic tamen longè nobilior, qui caput quidem radijs  
hist. t. I.  
vt alter ornatum refert, sed quod insuper ornat  
corona ex lauro, & quod præcipuum est Neronis  
effigiem repræsentat, de quo audiendus ipse Apollo  
de Nerone sic verba faciens :

*Ille mihi similis vultu, similisque decore  
Nec cantu nec voce minor ēc.*

Seneca in  
Apocolocynt.

*Talis Cæsar adest, talis iam Roma Neronem  
Adspicer, flagrati nitidus fulgore remisso  
Vultus ē effuso ceruix formosa capillo.*

Faciei auersæ typus Victoriam repræsentat proræ  
impositam, coronam & papauerum flores dextrâ  
tenentem, palmam sinistrâ : ad eius pedes calathus  
floribus refeitus : Quæ omnia situm Rhodi indicant,  
abundantiam, victorias. Ideo autem nummum  
cusum fuisse arbitror, vel quia Nero iuuenis in  
Senatu præsente patre Claudio pro Rhodiensibus  
orauerat, vel quòd rerum potitus Rhodum adierit.

## THESAVRVS



Remissionem tributi Quadragesimarum perdoctè explicauit Casaubonus in Galbæ nummo, cùm Suetonium interpretaretur. Tertius Galbam repræsentat milites adloquentem. Is mihi videtur ipsis dicens, *Discite milites militare, Galba est non Gætulicus.* In quarto stant HONOR ET VIRTUS, fausta Romanorum numina, quibus etiam templa Romæ dicata ea arte ædificata sunt, vt in illius templum nullus esset aditus, nisi qui per huius fieret.



VITELLIVS *cum Imperator consularibus fuit, suetoniis cognomen GERMANICI delatum ab universis cupide recepit, Avgvsti distulit, Cæsar is in perpetuum recusavit.* Id inscriptionem capit is explicat. Primus nummus refertur ad Victoriam quam supra Othonem Vitellius adeptus est. Alter Pacem, quasi rebus omnibus compositis. Tertius coronam OB CIVES SERUatos, adulacione potius quam iure delatam. L. VITELLIVS CENSOR, Parens eius in quarto videtur qui cum Claudio Principe duos insuper consulatus censuramque gessit.



Facies aduersas Vespasiani & Titi hic habes, cum typo eorum frequenti Iudææ captæ : Hæc nimirum iuxta palmam luget , orbem calcante propè stante Tito lanceam & scipionem tenente. Quod seorsim in vtroque Imperatore frequenter occurrit , rarissimum est si iunctum fuerit , vt in hoc numismate.


Secundus nummus ad id refertur quod scribit Suetonius , Vespasianum fecisse amphitheatum urbe media , qualem destinasse compererat Augustum . In eo quatuor columnarum ordines sicuti erat spectari possunt. Terræ proximus erat Doricus , alter Ionicus , sequens Corinthius , postremus denique Tuscus seu

*In Vespas.  
cap. 9.*

compositus. Possunt etiam spectari quæ etiamnum super sunt statuæ varij generis inter columnas sub fornicibus, & quadrigæ multæ. Octoginta hominum millia capere potuerat. De eo sic cecinit ingeniosus Poëta Martialis :

*Omnis Cæsareo cedat laus Amphitheatro,  
Vnum pro cunctis fama loquatur opus.*

Lib. I.  
Epigram.




In primo nummo superbit pater Vespasianus per duos filios Titum & Domitianum , quos in nummis ex ære, argento & auro, sedentes, stantes, paludatos, togatos, & equites repræsentari curauit.

Alter nummus perrarus est qui ad Metam refertur, quæ adhuc Romæ visitur. De ea dictum est in libro *De nummis ex are npedjocri*.



Hic numimus innuit Vespasianum melioribus artibus prouidere imperio Romano non potuisse, quam illud sub figura globi Tito regendum tradendo: ut dubitaretur an maiorem huic dignitatem conferret, an illi maius beneficium.

Alter IVDÆ CAPTÆ symbolum refert, quale pinximus & explicauimus in nummo ex ære mediocri. Flavum autem metallum ex quo numisma conflatum est, vulgò vocant Corinthiacum, quasi ei inesset aliqua auri portiuncula, ex commixtis auro, argento & ære post incensam Corinthum. at id nusquam compertum habuimus.




De Iulia Titi filia plura apud Suetonium; hic Carpentum adiectum est, honoris nempe nota quam in Iuliæ & Agrippinæ nummis vidimus. Rhedæ genas erat quæ illustribus fœminis conce-debatur; non malè recentiores illos currus referebat quos *caleches* aut *chaises roulantes* Galli vocant, nisi quod Carpentum perpetuo à mulis veliceretur. At cur semper mularum bigæ fœminarum Carpentis? suspicio est equos, τωλέσμα ζῶα, vt dicit Aristoteles, ad bella natos Imperatoribus seruari.



FRVGes ab Imperatore datas & à Populo  
ACceptas exhibit primus nummus, vt & LVDos  
SÆculares. Hos explicant omnes ferè antiqui Historici.

Præter CONSECRATIONem alter sacrificium  
exhibit pulcherrimum, in quo Imperator stat habitu  
sacrificantis. Deinde Popa, Victimarius Citharædus,  
Victoria coronam offerens: Terra humi iacet cum  
cornucopiæ. Spectanda venit nota Senatus-Consulti  
<sup>sua. in</sup>  
<sup>Domit. 6.23.</sup> SC. quæ tempus cusi nummi indicat: *Occisum enim*  
*Domitianum populus indifferenter, miles granissime*  
*tulit, statimque eum Diuum appellare conatus:*  
*paratus & uicisci nisi Duces defuerint;* quod  
quidem paulo post fuit.



Hos Domitiani typos ideo vulgauimus, quod pulchri sint & rari. Lubentissimè scirem quisnam Centauros signauerit: eos quidem in nummis Iuliæ repræsentauerunt Nicæenses, sed hic nummus latinè scriptus est.




Domitia uxor fuit Domitiani, ex qua filium Sueton. in Dom. c. 3. tulerat, deinde ut AVGVSTAM consalutauerat: eamdem Paridis histronis amore desperditam repudianuit, intraque breue tempus impatiens dissidijs quasi efflagitante populo, reduxit. Auersa facies ad filium refertur qui puer mortuus inter Deos relatus est, vt constat ex nummo argenteo.




Pauci supersunt nummi Neruae ex ære maiori, sed omnes ad historiam plurimum conferunt. Vir probus & honestus & omnium laude dignus non integro biennio imperauit, inde nummorum paucitas. Liberalitatis eius duo sunt hic apposita exempla; cum in uno sedens Imp. Populo Romano Congiarium distribuere videatur, in altero per modium frugibus & papauere oppletum PLEBI URBANAÆ FRVMMENTUM CONSTITVAT; quorum Senatus monumenta in nummis seruanda decreuit.



Duo alij hic exhibentur tributorum remissione indicantes. Vnum quidem ob vehiculationem Italiam, quod à Domitiano impositum erat, alterum ad amouendam fisci Iudaici calumniam: primum mulis & equis designatur in nummis, vehendo natis, alterum Palmam Iudææ symbolo. Prioribus temporibus singulæ Italiam vrbes militibus rhedas & equos præbere cogebantur, quod Nerua beneficio abolitum est. Iudæis tributum impositum per Domitianum ab Imp. Nerua sublatum est.



Congiarium iterum recurrit in Traiano supra cæteros Optimo Principe. Ei adiecta sunt victarum ab ipso prouinciarum monumenta. Nummi & rari sunt & historici, inscriptiones solæ aut soli typi res satis declarant.



Primus huius tabellæ nummus , ad locutionem exprimit Imperatoris ad milites , post Parthos scilicet detuctos : Anni enim in nummo signati congruunt . Tres sequentes ædificia pulcherrima exhibent à Traiano constructa , Circum , Basilicam illam quam de suo nomine Ulpiam nominauit , & Templum Ioui Optimo Maximo dicatum , seu arcum triumphalem . Nihil sane superbiùs nihil magnificentius .



Primi duo nummi ad primordia Romæ referuntur. Venus è cælo in Idam ad Anchisem dormientem delabitur, conciliante Vrbis æternæ Genio coronam ei imponente : lupa subest indicando Romuli fato. Alter Æneam è Troia

profugum repræsentat qualem Virgilius pinxit, humeris Anchisen portantem, manu Iulum ducentem. In tertio instrumentum hydraulicum signatum est quod fusè explicat Cl. Tristanus. Com. hist. t. I. p. 219.  
 Quartus ad Athletam EYTIMIVM reuocatur, de quo dictum est pag. 105. Postremi duo Triumphos exhibent Cybeles & Bacchi.



Hos duos Græcos addidimus qui Traiani historiam illustrant. Hydram in uno enecat Hercules,

*Proxima Lernæam ferro & face contudit Hydram,* inquit Ausonius, quod ad Heracleenses refertur. Legitur enim in nummo H P A K Λ E H T Ω N. typum refert Tristanus ab Prusiensibus cusum, qui Com. hist. t. 2. p. 301. ad Hypium sunt, in honorem Veri.

Alter Aristarcum designat figurâ sedente in medio nummo spicas tenente. Charæcteres magni, inæquales & rudes barbarem aliquam prouinciam subindicant, qualis esset Arabia aut Persia.



Hadrianus supra cæteros Imperatores Rom. peregrinatus est, omnibus Imperij Romani prouincijs benefecit; testes sint tot nummi in quibus vt earum RESTITVTOR apparent. Quatuor exempla hic apponi curauimus, vt rara sic integerrima.



Suam grati animi tesseram eidein Hadriano dicauerunt in nummis omnes ferē prouinciæ & vrbes , quas perlustraueat , è quibus duo hæc monumenta selegimus , in quibus leguntur ÆGYPTOS , & vrbs eius præcipua ALEXANDRIA . Mirum quam exactè Isis in primo sit repræsentata : florem habet impositum capiti , sistrum dextrâ tenet , calatho floribus pleno sinistram imponit , Ibi exiguæ columnæ innixam iuxta se habet ; de quibus diximus in Libro *De nummis ex ære mediocri* .

Digest. ad  
L. Cornel.

Quam gratus fuerit Imper. Hadriani aduentus testantur postremi duo nummi: togatus adest ille & sacrificaturus: victima propè aram collum præbet: Italia vota soluere videtur pro felici aduentu Principis. Iudæa eodem habitu cernitur in postremo, duobus hinc inde stantibus pueris, indicandæ legi quam de circumcisione fecit.



Quantum arma etiam in media pace leges & imperium tueantur, docuerunt illis temporibus Hadriani facinora, sicuti nostris summa Regis Christianissimi Ludouici XIV. prudentia. Nullum ille ferè bellum gesserat quamuis supra XX. annos imperauerit, Legiones tamen tot habuit paratas quot vllus alter Imperator; *Nolo disputare*, inquiebat quidam Philosophus, *contra eum qui habet triginta legiones*. Ita tamen illas coercuit, vt nummus exstet DISCIPLINAM istam commemorans. Exercitus illi frequenter nummos dicauerunt, in quibus interdum eques, interdum pedes Imperator cernitur: ex ijs Dacici & Syriaci exercitus monumenta selegimus.



Magnificentissima si vñquam fuerunt liberalitatis exempla hi nummi proponunt. Centum fere milliones vt nos Galli loquimur, Populo Romano remisit Imperator, combustis in foro debitorum syngraphis, quas nummus exhibit. An quâlibet aut superiori ætate aut posteriori vllus Princeps id donauerit? non mirum si nummus alter Hadrianum LOCVPLETATOREM ORBIS TERRARVM indigitat.



Sabina Hadriani vxor, morosa fœmina nummum hunc rarum efficit: quoties enim vir & vxor facies habent coniunctas, vel iugatæ sint vel auersæ, toties nummus rarus habendus est.



Dei Ægyptij in duobus primis nummis repræsentantur diuerso habitu. Serapidis caput aquilæ impositum est , vel totus Iupiter : *Multorum beneficiorum Africanis attribuit Hadrianus* inquit Spartianus. Vterque nummus & rarus est & admodum integer.

Tertius nummus Serapidem sedentem exhibit , iuxta stantem figuram , quam qualis fuerit dicere non est facile.

Quartus à vicinis viribus cūsus est , quarum communitatem indicat inscriptio. Diana Ephesia in eo admodum est spectabilis.



De Antinoo dictum est supra pag. 107. Plura de eo scripsimus in *nummis ex are mediocri*. Antinoi autem numismata ex quolibet metallo sunt rarissima.



Antoninum Pium in eodem nummo hic habes cum vxore Faustina quam omnibus honoribus ille cumulauerat. De ijs passim. Iunctas eiusmodi coniugum facies raras penes se meritò habent Curiosi.



Hic concordiam coniugum celebrat. Aurelius & Faustina in ima nummi parte iuxta aram, nummum vltra modum commendant.




Ad Dianam Ephesiam præcipue referuntur hi nummi non minus integritate quam typo conspicui. Ceres in primo cum facibus Proserpinam quærens fortassis Cyzicum indicat, ut Ephesum Diana multimamma.

In posteriori Nemesis & Æsculapius cernuntur cum intermedia Diana Ephesia. Hanc Ephesij sibi perpetuò vindicabant, ut Pergameni Æsculapium & Smyrnæi Nemesim : quod multi nummi comprobant.



Honores Faustinæ delatos post mortem hæc indicant numismata. Illa enim per Antoninum & ex decreto Senatus inter Deos relata est , quare ÆTERNITAS Deorum attributum ei etiam condonatur , & elephantes , animalia nempe quæ supra cætera diutissimè viuunt: Hinc apud Ægyptios elephas longæuitatis & æternitatis erat hyeroglyphicum. Posterioribus temporibus illam per auem Phœnicem expresserunt , quæ in nummis filiorum Constantini M. frequenter expresa est , quod yna ex animalibus sese continuò renouaret.



M. Aurelij expeditionem hic habes. *Profecti* <sup>In Aurel.</sup> sunt paludati ambo Imperatores, inquit Capitolinus, Marcomanis cuncta turbantibus, nec parum profuit ista PROFECTIO &c.

Ad secundum nummum hic referri potest quod scribit idem Capitolinus; *Contra Germanos res feliciter gesit.* Speciali ipse bellum Marcomanicum, sed quantum nulla unquam memoria fuit, tum VIRTUTE tum etiam felicitate transegit.


In tertio congeries armorum trophæum exhibet DE SARMATIS, qui hodie Poloni nuncupantur.

Quartus liberalitatem Principum celebrat nimirum M. Aurelij & Veri.



Ilienses Hectorem suum in hostes impetum facientem M. Aurelio offerunt, quo nihil dignius habebant. Adulationis Græcæ erga Romanos Imperatores hoc sit exemplum, cum suum Heroëm adhuc viuere in Imperatore simulant, quem suum *In M. Aurel.* Hectorem agnoscunt. *Aurelius omnibus Orientalibus prouincijs comissimus fuit*, inquit Capitolinus. Heroas primis temporibus pugnantes, aut pedites aut in curribus stantes fuisse certum est, quo habitu hic Hector scalptus est. Clipeum tenet ille præ *In Laconicis.* manibus, quo more plures Ilij erant erectæ statua, ut ait Pausanias.

Ex triginta vrbibus cum vna eiusdem nominis, difficile est coniicere quænam nummum percusserit, præsertim cum nullam inter Aurelium & Apolloniam coniunctionem apud Antiquos repererim.



Adoptionis formam h̄ic habes, dum M. Aurelius ut Cæsar & filius Augusti in eodem nummo cum Antonino Pio Augusto coniunctus est.



M. Aurelium & L. Verum libri iuridici semper Diuos fratres nuncupant. De ijs apud Capitolinum fusè scriptum est. Græcam vrbem, etiam si nummus sit vtcunque integer, legere non possumus. Certè vna est ex Orientalibus quæ hunc nummum in honorem Imperatorum ad bellum contra Parthos proficiscentium cudi curauit.



Vetusque faciei inscriptionem sic explicat Capitolinus. Propter res bene gestas partum est ipsi nomen ARMENIACI, PARTHICI, MEDICI. Deinde confecto bello regna Regibus, provincias vero comitibus suis regendas dedit. Cæterum non ARMENIS populis scriptum est, ut multi volunt, sed ARMENIIS; hoc est Armeniæ inferiori & superiori.



Faustinam in solio sedentem ad cœlum delatam ope duarum Dearum hic habes, quæ tantum iter nonnisi expansis velis exprimere nequeunt, quasi se volantes indicarent. Se SIDERIBVS RECEPTAM in alio nummo iactitat Faustina.




Nihil elegantiūs hoc Commodi numismate. TEMPORVM FELICITAS indicatur quatuor puerulis diuerso habitu designatis. Primus calatum habet impositum capiti floribus plenum , ver significantem. Alter falcem tenet quasi falcandis frugibus , quod nonnisi æstate perficitur. Sequens Oppian.  
lib. I. xviii. fructus sinistrâ tenet : dextrâ quidem videtur cani assurgenti blandiri, quod venationis oportunitatem & fructuum abundantiam autumnali tempore subindicat. Quartus vestitus est , quo hyems tempestas scilicet frigidissima significatur : capram In his tor.  
August. sinistrâ tenere videtur quam Cl. Angelonus aues interpretatur.



Commodus sub habitu Herculis clava & spolijs leonis decorati, coloni personam sustinet, quare CONDitorem se nominat. Hic incendere Romam statuerat quo Coloniam Comodianam restauraret. Senatus ipse Romam Comodianam & se Comodianum appellari permisit.



Iste nummus Deos Ægyptios repræsentat  
Commodo fidem dantes, fortassis pro longæuitate,  
*Lamprid. in* aut Imperij penes ipsum diuturnitate. *Is sacra*  
*Commodo.* *Iidis coluit, ut eis caput raderet & Anubim portaret.*



In primo nummo EXERCITVS suam  
FIDEM exponit se sacramento Imperatori vltro  
obstringens, sed cum pluribus Tribunorum &  
Militum integerrimis figuris quæ nummum  
illustriorem efficiunt.

Sacrificium cernitur in duobus sequentibus,  
Sacerdotis vices agente Imperatore, adstante Popa  
iuxta aram victimam percutiente.

Quartus in trophæi modum arma Germanorum  
exponit, quos superbè se vicisse iactitabat  
Commodus.



Samij primum nummum cuderunt, Lesbij alterum, utrosque raros. Hercules in primo signatus est, Pallas & Bacchus in altero, Deo Termino intermedio, veluti proræ nauis imposito: hæc situm scilicet maritimum indicat. Certe difficillimum est hæc ænigmata soluere. Monitum lectorem velim postremum hunc nummum fortassis non designare Commodum, ex characteribus enim non satis liquet, sed aut ad illum aut ad eius patrem M. Aurelium referri debere, nullum est dubium.



Quatuor exhibemus Pertinacis nummos, ut raros sic integerrimos. Duabus ille Deabus gratias agere videtur ob acceptum imperium. Deinde sculptæ sunt Deæ optimo Imperatori fauentes *ÆQUITAS* & *LAETITIA*, quibus clarum suum reddidit imperium: Eius autem nummi ex omni metallo rari sunt, at qui sunt ex ære magno sunt longè rariores.



Didij Iuliani duos typos hic habes , quos ad complendam hanc seriem potius quam ad designandum quid historicum , vulgauimus.

Ei fauentes in primo designantur milites quos promissa mercede suos effecratur . Primus enim ex Imperatoribus Romanis imperium erat mercatus : sed hæc CONCORDia non diu durauit , ab illis enim paulo post interemptus est.

Vt alterum Iouem secundus repræsentat Julianum qui globum tenens se Orbem regere superbè gloriatur.



MANLIA SCANTILLA Didij Iuliani vxor fuit, cuius iam nummum argenteum vulgauimus supra pag. 77. cum eodem IVNONIS REGINÆ typo. Ab hac persuasus imperium susceperebat.



DIDIA CLARA Iuliani & Scantillæ filia fuit; suæ ætatis puellarum omnium formosissima. Cum matre quæ admodum deformis erat Augusta appellata est. Vrbis Præfecto nupsit. Post patris interitum nomen est abrogatum, sed concessum patrimonium. Huius nummi ut & matris nummi sunt admodum rari.



Nummorum omnium rarissimum hic habes. PESCENNIVS NIGER in omni metallo pretiosus est supra cæteros Imperatores, in ære magno longè rarius, cùm vix reperiatur : nullum alium vidi si eum excipias quem è meo musæo ad Regis Christianissimi cimeliarchium euectum est. Aversæ partis ænigma soluat OEdipus felicior. Certum est his verbis finitam esse inscriptionem KAISAPAIΩΝ MHTPO. quod referri potest ad illam Cæfaream in alijs eiusdem Pescennij nummis signatam, ei contra Sept. Seuerum fauentem. Fortuna stans quæ ex modio capiti imposito Ægyptiacæ Isidi videtur similis, cum Genio vrbis sedente sollicita fingitui de Imperatoris rebus; is enim à populis Orientalibus summè diligebatur.



Hunc nummum exhibuit Cl. Tristanus, sed in quibusdam dissimilem. Noster namque duas repræsentat figuræ: primam quidem galeatam sed quæ Mineruæ est, ex facie muliebri; galea & toto habitu: aliam virilem quæ siue Genium quemdam, siue ipsum Albinum refert, utrumque enim potest suspici. Primam Seuerum esse arbitratur ille ad expeditionem properantem, alteram per Albinum exponit Romæ relictum ad urbanae res gerendas; quod huic nummo nequaquam conuenit: Cætera ritè sunt explicata. Side Pamphiliæ urbs, post Pergen præcipua: Παμφίλιη ἔχει δὲ οὐσία πόλεις Στρατοῦς Πέργαλης καὶ Σιδηνὸς: Ei præfuisse Albinum verisimile est, quem in Bithynia Bithynicos exercitus contra rebellantem Auidum tenuisse, scribit Capitolinus: aut in Sidetensium utilitatem aliquid contulisse: misit enim pecuniam ad eas ciuitates instaurandas quas Niger attriuerat. Mineruam ibi cultam fuisse docet Strabo, temploque cohonestatam, Εἶτα Σίδην Κυμαῖων ἀποικίᾳ, ἔχει δὲ Αγρινῶς iερὸν.

## THESAVRVS



DEOS AVSPICES seu PATRIOS Herculem & Bacchum, vt in nummo aureo legitur, & sacrificium ob ludos sacerdotes repræsentant hi duo nummi. Mirum quam sint integri, quam pulchra æragine sint obducti. Certe eorum typus fusiorem mereretur interpretationem, eam alias attigimus. De eius ludis sacerdotalibus sic scribit Zosimus *Souverus cum anni CX. adpetiſſent, cum filijs Antonino & Geta ludos eosdem sacerdotes ordinavit.*



Occurrunt duo nummi Græci quos ob raritatem h̄ic apponi curauimus : Alter Apolloniam designat , sed quam? tradunt enim Geographi tres & triginta vrbes istius nominis. Neptunus maritimam aliquam ex ijs videtur indicare. Alter ad Prusam refertur Bithyniæ metropolim , de qua diximus *in nummis ex ære mediocri*. Harum autem ciuitatum cum Seuero necessitudinem non video, præter generalem populorum reuerentiam post deciūctum Pescennium Nigrum.



Præclarissimas inscriptiones hi nummi exhibent, quibus Iulia Domna fuit decorata. Faustina quidem etiam nuncupata fuerat MATER CASTRORVM ut videre est in nummis & marmore apud Gruterum, quòd maritum ad castra proficiscentem comitata fuerit : sed illam Iulia superauit , cùm AVGVSTORVM, SENATVS & PATRIÆ mater etiam dicta est. Nihil in tota Romana historia illustrius aut alicui mulieri honorifcentius.



Cyprienses & Pergameni suum erga Iuliam Domnam affectum hisce nummis testati sunt. De Venere Cypria eius templo, area & miraculis adi Tacitum. Quod ad rem nostram pertinet iam scripsimus dum Drusi nummum vulgauimus *in ere mediocri.*

Pergameni Æsculapium & Hygiæam ferè semper signarunt, quod in secundo nummo ab IVLIO ANT HIMO eorum Prætore factum est. Hi autem in nummo se PRIMOS Asiae nuncupant TERTIVM NEOCOROS.



Illustrissima sunt profecto hæcce Caracallæ numismata. Primus sacrificium exhibit pulcherimum in quo spectanda præcipuè venit illa Victoria quæ sacrificantem Imperatorem coronat.

Alter Circum eius refert cuius adhuc egregia vestigia supersunt, tertio ab Urbe lapide in Via Appia.



Horum nummorum Caracallæ primum in serie ex ære magno reposuimus, quamuis ex maximo modulo esse videatur, qui à Magnetensibus ad Sipylum cusus est.


Secundus à Mitylenensibus seu Lesbienensibus in mari Ægæo. Angelonus quidem hunc nummum refert, sed cum quadriga, captiuis & rectore currus spolia gerente, quæ omnia neutiquam meo conueniunt.



Rarus hic nummus à Sidetensibus cusus est, de quibus in Albini nummis diximus. Sequens præclarus est in quo Popa cernitur maestandæ victimæ proximus, iuxta templum & Imperatorem tenentem pateram: hæc omnia sacrificium indicant quamuis sine ara. Inscriptio conspicua est, quâ TARSVM in honorem vel Seueri vel Caracallæ dictam fuisse SEVERAM constat: quod etiam alij nummi comprobant. Superiores characteres illam AManicæ seu AManoidicæ Ciliciæ caput declarant.




Cyprij primum hunc nummum cudere, quem-admodum eodem typo Iuliam Seueri vxorem decorauerant. Venus in medio templo cernitur sub coni specie, cuius rationem sibi esse in obscurō scribit Tacitus. Alter egregium typum habet quem circumdant characteres minus politi; ideo minus cogniti. Cyzicenos tamen designari arbitror. Iuuant coniecturam serpentes facibus impliciti, qui ad Proserpinam referuntur: De quibus omnibus diximus cum nummos ex ære mediocri exposuimus. Aræ quæ in medio est, tres figuræ impositæ sunt, quarum interpretationem auidè addiscerem.



Quatuor eiusdem Caracallæ nummos vulgaribus ex eorum specie quos Itali *Contourniatos* vocant. Quod capita ferè similia sint, ideo non expressissimus. Ad Athletas duo primi refruntur, quibus ob fortitudinem comparabatur Caracalla. Tertius Herculem taurum domantem.

*Octauo domuit magno luctamine taurum.*  
Circus in quarto expressus est, sed diuersus à superiori qui quoties occurrit toties nummum efficit rarum, in Caracalla præcipue.



Quot benefactores habuerunt Ægyptij, Græci,  
Romani , tot ferè Ioues censuere : Vnus hic  
SOSPITATOR dicitur à sospitando quasi seruando:  
sic Iunonem Sospitam habebant quæ in nummo  
gentis THORIÆ cernitur, & Antonini Pij. Arbitratur  
Cl. Tristanus Caracallam IOVI SOSPITATORI  
ædem aliquam ædificasse , cui pugionem quo  
confossum fuerat Geta dedicasset : Coniecturam eius  
delet hic Getæ nummus pari ornatus typo , pari  
inscriptione. Iste autem Iuppiter quemadmodum  
Serapis modium habet capiti impositum.

*Famil.  
Roman.*

*comm. hist.  
tom. 2.*




spartium.

Byzantij quòd Pescennio Nigro fauerant, à Seuero male sunt habiti: priuilegia ijs adempta sunt, agri Perinthijs donati. Ij demùm in gratiam redierunt, fortassis precibus Getæ cui hunc nummum obtulerunt. Caius SALLIUS ARISTÆNETVS fortassis eorum erat Prætor. Europa Agenoris filia à Ioue tauri formam mutuante rapta est, quòd situm vrbis indicat. Illam orbis politissimæ & populosissimæ parti nomen deditse antiqui docent; in ea autem Byzantium ad Bosphorum Thracicum. Obseruandum in hoc nummo Getam ΣΕΒΑΣΩ nominari, hoc est Augustum, qui modo CÆSar in superiori scribebatur.



ELAGABALI numismata non ita præstant ut in Thesauro locum mereantur : huic id condonarunt integritas & ærugo nobilis , qua obductum est. Astrum deinde in eo signatum siue Sol , cuius se Sacerdotem prædicabat Imperator.



AQVILIAM SEVERAM Vestalem ideò sibi in vxorem adscivit Elagabalus , vt ex se Pontifice & ex sacerdote Vestali diuini liberi nascerentur. Illam paulò post remisit , ac deinceps reuocauit. De illa plura apud Autores antiquos. ÆQVITAS PVBLICA hic picta est sub trium Monetarum habitu , quod rarum est , præcipue in Augustæ nummo.

Bb



Gloriatur hisce num̄is Maximinus & VICTORIA quam de Germania adeptus erat, & LIBERALITATE exhibitā. Primūm sic exponit Capitolinus, *Ingressus est Germaniam Trans - Rhenanam per trecenta vel quadringenta millia barbarici soli, vicos incendit, greges abegit, pr̄adas sustulit, barbarorum plurimos interemit, militem diuitem reduxit, cepit innumeros, & nisi Germani per amnes & paludes & silvas confugissent, omnem Germaniam in Romanam ditionem redegisset.* Liberalitatis cuius typus in altero conspicitur, nullam mentionem in Veteribus legi.



Egregius hic nummus ab Ephesijs cusus est, se primos Asiæ nuncupantibus. Imperator eques captiuum calcans ritè Victoriam indicat quam sua virtute bellica erat adeptus.



Hunc Maximi nummum neque antiquum asserere audemus, neque valemus explicare. Bos octo nudorum puerorum humeris impositus est, quem ita sublatum deportant; fortassis ad sacrificium. EUTYXH seu BONA FORTVNA, à Nisæensibus coli & in gratiam Maximi rogari videtur. Decem vrbes Nysæ nomine commemorat Stephanus.



Quomodo dignosci possint in hisce nummis Gordianorum Africanorum facies , certè difficile est præscribere , præsertim cùm vterque similia habuerit nomina & cognomina , similes dignitates : quod paulo seniorem hi duo repræsentant , ideo Patri assignamus : typi nihil habent singulare , nummi attamen rari sunt. De eorum actis dicere non est nostri propositi : infeliciter pro se & pro Populo Romano electi sunt Imperatores , satius illis fuisset priuatos viuere.



Quod hi iuniores videantur ideo adscribuntur: mirum quanta sit patri & filio facierum conformitas, quamuis hic ætatis anno XLVI. confossum fuerit, ille LXXX. Artificum incuriam accusare non debemus, qui in cæteris suis operibus & ingeniosi & docti apparent. Nummorum cælatura certè est elegans. Typi quidem communes at nummi Gordianorum AFR. rari sunt in omni metallo.



Tarsus supra cæteras vrbes nummos suos Imperatoribus Romanis dicauit, præcipuè Gordiano. Videtur in primo nummo Imperator cum vrbis Genio aliquid pacisci. In altero stant Gordianus Imperator & Abgarus Rex : De quo diximus in nummis ex are mediocri. Tertium illustrat Luna, quartum Victoria. II. II. Patrem patriæ indicat.



Philippum ad quem pertinent hi nummi, aiunt Christianum fuisse : si tamen mores religionem indicent , vix suspicari possumus diuinis præceptis imbutum eum qui tam barbarè tamque crudeliter imperauit. Primi nummi typus auersus Lunam refert in curru à bobus vecto sicuti in Gordiani nummo : Ijdem Tarsenses eum cudi curauerunt. Alter ab Antiochiensibus percutitus est : notandi sunt characteres græci romanis permixti : nomen vrbis græcè scriptum : flandi numismatis permissio latinè, S. C. Eam fortassis græcè scribere non audebant.



Egregios Philippi typos exponit hæc tabella. Primus ad Zeugmatenses refertur , de quibus ut de templo in nummo signato , diximus in libro *De nummis ex ære mediocri*. Zeugma autem erat imperij Romani vrbs finitima trans Euphratem.

Alter ab Ieropolitanis cusus est. Quales illi sint non est facile asserere inter tot vrbes eiusdem nominis. Dea Syria seu Cybele leoni insidet, egregium spectaculum : De ea ibidem diximus.



SALLUSTIA BARBIA ORBIANA Traiani  
Decij vxor vulgo censetur, quamuis suspicio sit  
illam non illi sed Alexandro Seuero nupsisse. Illius  
cum marito CONCORDIAM exhibit hic nummus.



Patrem & filium faciebus auersis designat hic  
nummus ab Antiochiensibus percussus. Treb. Gallus  
filium Volusianum consortem imperij fecerat cum  
audiuit rebellantem Æmilianum; at vterque ab hoc  
est oppressus & cæsus propè Interamnam.



Rarissimos esse Aemiliani nummos ex ære magno norunt qui nummos tractant, quod imperij eius breuitati tribuendum est. SPES PVBLICA frequenter occurrit in nummis antiquis, indicandis populorum votis, quæ rarissimè euentui coniungebantur. Alter illa designat VOTIS DECENNALIBVS: nummos cudebant Romani cum ea suscipiebant, cudebant pariter cum soluebant: Exempla cernuntur in Antonino, Commodo & alijs.



Gallienus hic exhibetur cum tribus Monetis. Frequenter hocce typo suos nummos signauerunt Imperatores Romani , quo se fideles & æquos erga populum testarentur , ponderis & metalli legem exquisitè seruantes.



Vterque Posthumus hic repræsentatur : Filius quidem se Imperatorem AVGVSTVM nominat , qui patrem tanquam Deum & Herculem Deusonensem veneratur : De Hercule Deusonensi diximus in libro *De nummis ex ære mediccri*. Nummus iste est eximiæ raritatis.



PAUL. DIAC.

CLAVDIVS Gallieni morientis sententiâ Imperator designatus est , à militibus electus , à Senatu deinde appellatus Augustus. Gothos qui per quindecim annos Illyricum Macedoniamque vastauerant , ingenti prælio & incredibili strage deleuit : quare dictus est Gothicus. Vir parcus , modestus & iustitiæ tenax ac Reipublicæ gerendæ idoneus , Sirmij morbo interiit , & inter Diuos relatus.



De Probo iam diximus supra in nummis ex auro. Notandus venit hic militaris habitus , & clipeus ille in quo quadriga triumphalis.



CARINVS Cari filius fuit. Ab hoc dictus est Cæsar cum fratre Numeriano , relictis sibi gubernandis Italâ, Illyrico, Galliâ. Perniciosus fuit atque omnibus bonis inuisus. Trucidatus est eius præcipue Tribuni dextrâ cuius dicebatur coniugem polluisse. Nummus autem est integritate & raritate nobilis.



Diocletiani aëta attigimus supra pag. 91. — Tres Monetæ ex auro , argento & ære Dearum instar frequenter occurrunt in istius æui nummis , indicandæ scilicet Principum iustitiae.



Constantinum Magnum imperij sedem mutasse, veterem Romanam quasi deseruisse, & nouam Byzantij constituisse nemo est qui nesciat. Infiniti pene sunt eius numimi minutus cum his verbis VRBS ROMA, & CONSTANTINOPOLIS : Longe rariores hi sunt ex ære magno utramque designantes. Roma galeata est, ut solet, tanquam terrarum Domina gentiumque Dea. Constantinopolim ὅλα τὰ κόσμος μητέρων vocauit Chrysostomus, totius mundi caput. Themistius illam πόλιν βασιλίδα, πόλιν αὐδαίμονα ἐσίαν αὐδαίμονα βασιλέων nominauit, Vrbem Regiam, urbem felicem, domicilium felicium Regum.

*In Homil.  
orat. 16.*



Ad Constantium referuntur hi quatuor nummi filium Constantini Magni : Tot adeptus est ille victorias ut difficile sit hanc quæ in primo nummo expressa est designare. Cætera per se innotescunt.



Postremi hi duo nummi ad Athletas pertinent, quorum dotes & fortitudinem suis Imperatoribus tribuebant. Constantini Magni temporibus ex cælatura videntur eis, quem caput galeatum refert. Tantum autem laudis apud Græcos fuit luctâ, saltu aut simili re victorem fuisse declaratum, *ut propè maius & gloriōsius fuerit, quam Romæ triumphasse*, inquit Cicero: quare non mirum est si suorum Athletarum gloriæ immortali consulentes Græci hosce nummos cuderint.



Nu<sup>m</sup>orum huius capit<sup>i</sup>s appendix erit nummus Persicus. Non multum huic absimilem edidit <sup>comm. hist.</sup> Clarissimus Tristanus: Arsaces cernitur cuius caput <sup>tom. 2.</sup> diademate cinctum est, crispisque capillis plurimis ornatum. In eius auersa parte legitur ΒΑΣΙΛΕΩΣ ΒΑΣΙΛΕΩΝ ΑΡΣΑΚΟΥ ΕΥΕΡΓΕΤΟΥ ΔΙΚΑΙΟΥ ΕΠΙΦΑΝΟΥΣ ΓΟΡΠΙΑΙΩ, Regis Regum Arsacis, Benefici, Iusti, Illustris, Gorpiæo. Illum Arsacem esse coniicit qui belli primi Punici temporibus, Antiochum Deum deuicit, *quaesito simul & constituto regno*, vt ait Iustinus, *non minus memorabilis Parthis, quam Cyrus Persis, Macedonibus Alexander, Romulus Romanis, matura senectute decedit*. Omnia rite comprobat. Regi sedenti Mineruam obijcit stantem diadema offerentem, eo nempe mense Gorpiæo seu Septembri quo imperium est adeptus. Nummus meus vtcunque integer est, at ei proprium nomen est erectum; cætera quæ manifestè leguntur,

Dd

Lib. 8.

Lib. 1.

Curtius.

Lib. 7.

Onom. c. 13.

Lib. 15.

à Tristani nummo in quibusdam differunt & eum illustrant. Siue itaque aut Tristano non satis integer nummus suppetierit, aut is quem habebat à meo diuersus sit, differentias enarrare & breuiter explicare in animo est. Nummus hic caput repræsentat quodammodo barbarum, barbâ non longa quidem sed crispâ & cincinnatâ, nullis capillis redimitum, siue quòd caluus fuerit ille Rex, siue quòd sub galero regio sint absconditi. Duo nodi retrò conspiciuntur qui aut firmandæ capiti cydaridi, aut diadematis fines sunt, licet enim vtrumque conijcere. Coram aliquid est appositum quod sceptrum videtur: illud autem apud Persas aureum erat, Χειρὶς ὁκῆπεγν indicat Xenophon. Toga regia ea ferè est quæ videtur in Tristani nummo, de qua sic Iustinus: *Semiramis quidem brachia & crura velamentis, caput tiara tegit: & ne nouo habitu aliquid occultare viderentur, eodem ornatus & populum vestiri iubet, quem morem vestis exinde gens uniuersa tenet.* Eam deinde auro, purpurâ insignem varijs animalium auiumque figuris distinxerunt. Ei superaddita fuit tunica manicata, quam etiam à Græco translatam Romani chiridotam dixerunt, quæ suspensa ex humeris, ultra brachia & vsque in primores manus prolixâ extenderetur: sic Pollux, sic Strabo indicant. Illam Candyn nominabant,

quam respuit Alexander , cùm tamen cæteras vestes , Persarum more , induerit , quod *famineas* <sup>Diod. l.17:</sup> & *probrosas* criminaretur. Ponè caput videtur gamma græcum Γ. Illud est fortassis quod <sup>Plut. l.1. de</sup> Gorpæum mensem inducit , à Tristano citatum. <sup>fort. Alex.</sup> Persarum Reges inaures gestasse quemadmodum in hoc nummo cernitur , argumento est , quòd *Cyri sepulchro illata fuisse ἐνώπια* Arrianus refert. Ita <sup>Lib. 7:</sup> Perosæ Persarum Regi ex aure dextra pendebat Μάρσαρος δεκολάτη τε ζε μεγέθες ωρερολὸν ἔντιμος , εξ ωτὸς οὐδὲνίς ἀπεκρέμασθε. Auersa facies plures habet differentias. A sinistris hic sedet Princeps more barbaro & tamen regio vestitus. Cydaride eius caput ornatum est , siue tiarâ quam rectam gestare Persarum Reges solebant Ορθίων τοάραι. Cydarim Persæ regium capitis vocabant insigne. *Hoc carulea fascia albo distincta circuibat* , inquit <sup>Lib. 3.</sup> Curtius. Figura stans ei coronam tradit quam per Mineruam interpretari minus bene mihi videtur : illa enim turres habet in capite & hastam sinistrâ tenet , quo habitu nunquam depicta est Minerua : Genium alicuius vrbis esse certum est , cuius fortassis nomen primariæ hæ indicant litteræ , A N Y. Ad cæteram inscriptionem progrediamur. ΒΑΣΙΛΕΩΣ ΒΑΣΙΛΕΩΝ , ut in Tristani nummo occurrit , si una excipiatur littera , ΒΑΣΑΛΕΩΝ enim in

meo nummo manifestissimè legitur per A scriptum non per I. ΔΙΚΑΙΟΥ, ΕΠΙΦΑΝΟΥΣ nullam prorsus habent differentiam: Verbum aliquod subobscure deinde legitur quod veluti ΟΛΑΓΑΣ, sed quid significet non satis compertum habeo. Vnum præterea adest Πηθετην, cuius nullam mentionem facit Tristanus, ΦΙΛΕΛΛΗΝΟΥ quasi Græcos amantis seu Græcorum amici, de quo pauca veniunt dicenda. Tristanus scribit hunc esse Arsacem qui Græcis imperium ademit, quod Alexander Persis deuictis sibi suisque adquisuerat: Quanam ratione hic se Græcorum amicum profiteretur, quos sæpius vicit & tandem derelicta Parthia in Græciam fugere coëgit, certè non video. Aliam coniecturam suppeditat epistola quædam Chosrois ad Varamum, quæ nummum non ad Arsacem sed ad ipsum Chosroëm traduceret. Hanc mihi suppeditauit in

- Lio. 4. c. 8.* *Dissertationibus Academicis* I. Henr. Bœclerus; vir in tantum laudandus in quantum virtus, eruditio & vrbana<sup>s</sup> quam possunt extollere. Ex Theophylacto Simocatta illam desumpserat, cuius hoc est initium. Χοσρόης ΒΑΣΙΛΕΥΣ ΒΑΣΙΛΕΩΝ σμωασθούσιων σμεστόμης, κύριος ἐθνῶν, εἰρηνάρχης, τοῖς αὐτρώποις σωτηρίᾳ. Εν Θεοῖς μὴ αὐτῷ αὐτῷ αὐτὸς καὶ αἴώνιος, ὃν ἢ τοῖς αὐτρώποις θεὸς ΕΠΙΦΑΝΕΣΤΑΤΟΣ, ωρεγένδοξος νικητής. Ηλίῳ σωματείλων

καὶ τῇ νυκτὶ χαιρόμενος ὅμιλα. εἰς τεσσαράνων  
 Πτολεμαῖον. Βασιλὸς μισθούλεμος, χαιρετικός. Οὗτος  
 ἀστραπας μιθόμενος καὶ τὴν βασιλείαν Πέρσαις σμαφυ-  
 λάθων, Βασιλεὺς Στρατηγὸς Περσῶν ἡμετέρῳ δὲ φίλῳ.  
 hoc est, Chosroës REX REGVM, Dominus domi-  
 nantium, Dominus gentium : Princeps pacis ;  
 hominum salus : inter Deos quidem homo bonus εἰ-  
 aternus, inter homines autem Deus ILLVSTRISSIMVS:  
 Victor longè gloriosissimus. Cum Sole exoriens. Nocti  
 oculos largiens. A maioribus nobilis. Rex belli osor.  
 Bene merens de omnibus. Asonas mercede conducens,  
 Et regnum Persis custodiens : Varamo Perfarum Duci  
 amico nostro. In quibus ijdem & fortassis ampliores  
 tituli Chosroi tribuuntur quam ipsi Arsaci. Ut sit  
 noster nummus rarissimus est, & REGVM REGI  
 competit ; sic Parthi sic Persæ suum nominabant.  
 Cuius plura extant apud antiquos testimonia.  
 Vnum erit instar omnium quod refert Hippocrates  
 noster. Αὐτοῦ οὖτε Βασιλὸς Βασιλέων, Πάτω Χαιρετικόν. In Epistol.  
 miscell.  
 Artaxerxes Rex Regum, Pato Salutem. Vnum aliud  
 tacendum non est, inscriptam nempe hanc suis  
 dignitatē Cyri sepulchro, quamuis aliam tradat  
 Strabo, in turri decem tabulatis excelsa, quorum  
 superiori iuxta Cyri sepulchrum, græcum erat  
 epigramma litteris Persicis sic inscriptum :

Lib. I.

ΕΝΘΑ Δ' ΕΓΩ ΚΕΙΜΑΙ  
ΚΥΡΟC  
ΒΑΣΙΛΕΥC ΒΑΣΙΛΕΩN.

HIC EGO IACEO CYRVS REX REGVM.  
hæc Onesicritus. Agamemnona etiam à Velleio  
Paterculo Regem Regum nominari legi. Dissimu-  
lare non possum rarissimum hunc nostrum num-  
mum elegantius scalptum esse quam ætas ferre soleat  
Iustiniani & Heraclij : Deinde illum argento  
antiquitùs obductum fuisse color & splendor satis  
declarant.

Ad priora itaque tempora traducendum esse suspicio  
est, & si nos non fallat coniectura, ad Vologesem  
unum ex Arsacidis : Quid enim aliud indicarent isti  
characteres ΟΛΑΓΑΣ. Certe si B principio adderetur  
& ΟΥ fini, Vologesis nomen haberet, cui cætera con-  
ueniunt, inscriptæ nimirum dignitates. Ille porro ab  
Antiquis variè nominatus est, Βολγαίονς, Βολγέονς,  
Βολγεωσ@, Βολγεσ@, Ουλγισ@, Ουολγαισ@.  
Quæ omnia nummum illustrant & vicissim ab eo  
illustrantur : Emendari libros post nummos abundè  
norunt qui cum utrisque versantur.

*Josephus.*  
*Dio.*  
*Zonaras.*  
*Lucianus.*  
*Siphilinus.*



## CAPVT VII.

# DE NVMMIS EX ÆRE MEDIOCRI.

**N**uentos huius satis antiquos nummos eximiae raritatis & integritatis hic vulgare in animo erat, nisi priorem nostram cogitationem secunda correxisset. Opus nostrum DE NVMMIS IMPERATORVM ROMANORVM EX ÆRE MEDIOCRI, quod adhuc erat inter præli carceres adaugere maluimus, quo uno impetu omnes nostros rei antiquariæ thesauros Curiosis exhiberemus. Breuitatis itaque huius capitil nemo nos accuset, cum sitim quamcunque istud Opus vltro explere possit; in quo pro tenuitate nostra, quantum tamen potuimus accuratè, ad duo millia numismatum & exposuimus & explicauimus.

Nullū autem Numismata ex ære paruo hīc apposuimus quamuis multa nobis suppetant, quòd ea inseruerimus ijs quæ ex ære sunt mediocri. Istius facti præter exemplum quod harumce rerum Scriptores nobis possent commodare , duplex fuit argumentum : Vnum quidem quòd nummorum seriem ex ære paruo nulli vnquam contigit perficere: ob plurium penuriam. Alterum quòd vtraque species , æris scilicet mediocris & minimi optimè conueniat , in vtraque enim Coloniæ plurimæ indicantur & ea quæ ad illustrandam Historiam Veterum , siue religionem spectes siue artem militarem , Romanorumque potentiam , siue litteras elegantiores. Eam ob rem eadem fidelia istos dealbauimus parietes.



## CAPVT VIII.

# DE NUMMIS RECENTIORIBUS.

**R**ecentiores nummos vocamus eos qui cusi sunt post distractum imperium Romanum & Monarchiarum quæ nunc Europam regunt, institutionem. Primis quidem illis temporibus, pauca facta fuere Numismata, quod pax bello cederet, artesque tranquillæ bellicosis. Francisco Valesio Opt. Principe Galliam moderante artes veluti Sepultæ iterum populares factæ sunt. Ijs temporibus Iulius tertius Pontifex Maximus, Carolus & Solymannus Occidentis & Orientis Imperatores, Henricus Angliae Rex & Sigismundus Poloniæ, omnesque ferè Principes quasi communi fato ardorem studendi populis suis accenderunt, quem Numismatibus omnis

Ee

generis sunt testati. Eorum successores ab isto instituto non deflexerunt ; quisque suæ gloriæ & ideo sibi allaborauit : tot inde nummi, nobilitatem, ingenium, victorias, probantes. Eorum descriptionem iam quidam aggressi sunt, inter eos eminente Io. Iac. LVCKIO Argentoratensi : cuius operi non parùm contulit vir quidam eruditissimus pariter Argentoratensis. At hæc sunt pauca facta, si facienda inspiciantur. Nummorum elapsi sæculi conscripserunt quidam historiam , sed quot prætermiserunt ? sed quot sunt à Theodosio ad elapsum postremum sæculum ? sed quot cusi sunt ab eo elapso sæculo. Appendices paratas habeo supra tria millia numismatum ab his temporibus, quorum delineationem ex tot cimeliarchijs mihi seruauit ; donec Reipublicæ curiosæ satisfacere possim. Iniquæ mex fortunæ & temporum difficultati finem facturum spero Regem meum Christianissimum LUDOVICVM, Maiestate aut autoritate ita conspicuum ac æternis illis eius dotibus , Pietate , Iustitiâ , Moderatione, Clementiâ, Probitate , Eruditione. Faxit faxit Deus ter Optimus Maximus vt qui me tanti Regis temporibus ad studia promouit , meas ipsi curas studia, obsequia omnis generis rependere condonet. Vnum addam me ex tot recentioribus nummis quos noui vnum selegisse qui mihi instar est Thesauri.



Carolum Magnum repræsentat Regem Galliæ primūm , deinde Imperatorem : non quidem cum ea togâ imperatoria , aut cum ense & globo , sed tantum cum laurea ornamentorum vices supplente . Materia eius , plumbum scilicet , indicat sigillum fuisse : Inscriptio superbissima est , quam siue nummo huic propriam affixerit Imperator , vel diplomatibus suis , sane ad Francorum gloriam plurimūm confert . Deus illam in æternum sospitet .

Quod quidem votum Thesaurum nostrum  
adimplebit .

# INDEX

## CAPITVM HVIVS THESAVRI.

- CAPVT I. De Nummis ex Auro, - - pag. 1.  
CAPVT II. De nummis Græcis, - - pag. 17.  
CAPVT III. De nummis Consularibus, - pag. 33.  
CAPVT IV. De nummis argenteis Imperatorum  
Romanorum, - - - - - pag. 47.  
CAPVT V. De nummis æreis ex maximo  
modulo, - - - - - pag. 95.  
CAPVT VI. De nummis Imperatorum Romanorum  
ex ære magno, - - - - - pag. 133.  
CAPVT VII. De nummis Imperatorum Roman.  
ex ære mediocri, - - - - - pag. 215.  
CAPVT VIII. De nummis recentioribus, pag. 217.

F I N I S.



